





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
760/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
760/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
760/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
760/A

PETRI BELLONII
CENOMANI
MEDICI

*De neglecta Stirpium Cultura,
atque earum cognitione
Libellus:*


Edocens qua ratione Siluestres arbores cicu-
rari & mitescere queant.

CAROLVS CLVSIVS ATREBAS
è Gallico Latinum faciebat.



ANTVERPIÆ,
Ex officina Christophori Plantini,
Architypographi Regij.

M. D. LXXXIX.



3

TROIANI belli historia inter res memorabiles recenset, Vlysses inter summos Græci exercitus Duces haud postremum & maximè strenuum, è bello reducem, ignoto ornatu, ne à suis agnosceretur, suas ædes ingressum, vt commodius omnia quæ eo absente apud se gesta essent, intelligeret: ignorabat etenim an Laërtes pater, Telemachus filius, & Penelope vxor etiamnum viuerent. Ille igitur triarij militis ornatu senem Laërtem adiit, & in prædio quodam suburbano, in horto deambulanti offendit. Cum quo senex tamquam extero sermones contulit, illum minimè agnoscens, quandoquidem iam multo tempore cum non viderat, atq. extinctus ne esset, an superesset, planè ignoraret. Attamen, Viden, inquit, elegantes has arbores? omnes conseui, & ex selectissimo fructuum genere inseui, vt edules fructus ferre queant cū meus filius Vlysses è bello redibit. Quorsum hæc, nisi vt probi huius senis procliuis, & benè affectus erga suos hæredes animus agnoscat? Nam cū ipse se viuo eas arbores fructiferas futuras minimè speraret, sui memoriam in arboribus inseuisset arbitrabatur: atque quàm vero amore filium prosequeretur demonstrabat, cū illi absenti laboraret. Hoc porro exemplo excitari debebant generosi & illustri sanguine nati senes, ad curanda & exornanda sua prædia, remque domesticam curandam, dum iuniores bella gerunt, & sui Principis nomine sese periculis obiciunt. Sed vt Culturæ ignorantia plerum-

ROIANI belli historia inter res memorabiles recenset, Vlysses inter summos Græci exercitus Duces haud postremum & maximè strenuum, è bello reducem, ignoto ornatu, ne à suis agnosceretur, suas ut commodius omnia quæ eo absentes, intelligeret: ignorabat etenim, Telemachus filius, & Penelope viuerent. Ille igitur triarj militis ornatu adiit, & in prædio quodam subterfugio deambulante offendit. Cum quo ex tero sermones contulit, illum mihi, quandoquidem iam multo temporat, atq. extinctus ne esset, an supereraret. Attamen, Viden, inquit, electes? omnes conseui, & ex selectissimo in seui, ut edules fructus ferre filius Vlysses è bello redibit. Quorū probi huius senis procliuis, & bene hæredes animus agnoscat? Nam eas arbores fructiferas futuras mihi memoriam in arboribus in seui sse que quàm vero amore filium profestrabat, cum illi absenti laboraret. pro excitari debebant generosi & illati senes, ad curanda & exornanda que domesticam curandam, dum iuuant, & sui Principis nomine sese perici. Sed ut Culturæ ignorantia plerum-

4
que in causa est vt nulla vtilitas ex fundo ad domi-
num redeat: sic non vanum est (quandoquidem tam
varij Auctores id referunt) Gallos aliquando suam
regionem ob sterilitatem deferuisse, aliamque vbe-
riorem quæsuiffe, cum illis vinearum cultura ignota
esset: hinc factum, vt degustato vino ex Italia delato,
eos tanta eius admiratio, atque fruendi cupiditas
ceperit, vt armis sumtis cum vxoribus & liberis du-
ce Brenno eorum Rege, regionem quæ adeò suauem
liquorem profferret, occupandam censerent: qua por-
rò occupata, vini potus facilè ipsis imposuit, vt pote
illius vsu non assuetis: quod sanè manifestissimum
indiciu est, nullos tum apud ipsos vitatores, nulla
vineta fuisse: postea tamen adeò diligentem in iis ex-
colendis operam nauasse, vt neque vniuersa Italia,
neque Græcia, neque forsitan tota Asia simul conne-
xæ, tantum vini præbeant quantum nunc sola Gallia.
Verisimile autem est, Gallos post adeptam victoriam
multos vitatores reduxisse, adeoque industrios fuisse
in propagandis vinetis, vt credibile sit, tellurē, si cul-
tura accedat, cum scœnore reddituram quidquid illi
concreditum fuerit. Sic bellorum præfecti, parta vi-
ctoria, in quiete viuentes terram inter se diuiserunt,
nomenque ex sua dignitate indiderunt suis posses-
sionibus: quod in quibusdam Prouinciis magis est
peculiare. Nam licet nonnullorum possessio pauca
iugera occupet, à domini tamen nomine appellatio-
nem adquisiuit: imò etiam arbores vulgares huic rei
subseruierunt. Atque, si magna cum paruis compara-
re licet, vt Imperator ab imperando, Rex à regendo,
Dux à ducendo, Comes à comitando, & Princeps à
principatu nomen habent: sic quilibet ex possessionis
sue amplitudine titulum & dignitatem adeptus est.

P R O-

PROBLEMAT^s,
SILVESTRES ARBORES

CICVRANDI ET MITIORES

REDDENDI RATIONEM

EDOCENTIA.

PROBLEMA I.

Nullam temporis longitudinem esse prætexendam,
quo minus ea quæ ad Reipub. commoda au-
genda pertinent, Siluestrium arborum
cultura procuremus.



N Hominem ob tellurem creatum non
dicas, quandoquidem in illâ resoluatur,
nisi resurgere deberet? Licet autem alte-
rum pedem in tumultu habeat, minimè ex-
quirat, quis videbit, aut iis fruatur quæ
ipsius cura fabricantur & enascuntur,
(cùm tamen nisi temporis diuturnitate vel absolui, vel
excrefcere queant) tamquàm nemo succederet, qui ab eo de-
relictis fruatur. Sed quos, obsecro, plerumq. videmus ma-
gna ædificia exstruere? nonne senes, quibus forsità ea iam
absoluta inhabitare non licebit? Vix enim è centum re-
perias, quem perfectò iam opere uti contingat: attamen
omnes diuturnam sibi vitam pollicentes, iis operã nanare
non desinunt qui ipsos subsequuntur sunt. Obseruata pro-
feram. Quispiam ad senectam vergens, nec diu se super-
futurum sperans, reconditis fructibus dum vescitur, eo-
rum semina diligenter excipere iubet, atq. ut nouo vere tel-
luri committantur præcipit: non quòd arbores inde natas
fructus iam ferentes se conspecturum speret, sed hac ratio-

6 DE NEGLECTA CVLTURA STIRP.

ne posteris consulere cupiens. Quisquis igitur hoc circa
siluestres arbores cicurandi rationem propositum probe
intelliget, certò statuatur cum in illius intelligentia perqui-
renda, tum etiam arborum reliquarumq; stirpium co-
gnitione adipiscenda, quo illustriores reddi possent, iam
diu desudatum fuisse. Hic itaque deprehendetur res cer-
ta, memoratu digna, & magna utilitatis, quæq; ut omnium
oculis subiiceretur, merita est. Quæ adeo occasionem Au-
ctori præbuit, eumq; impulit ut nullum laborem subter-
fugeret, quo minus ad perquirendas arbores summa cel-
sissimorum totius Europa atque Asia montium iuga con-
scenderet. Pauci hunc laborem animo comprehendunt:
paulo post tamen, cum ipsius effectum, tum evidenti eo-
rum quæ proponuntur demonstratione, atque etiam disce-
ptationibus liquide scripto comprehēsis, & theorica stir-
pium declaratione, ut ex subsequentibus disceptationibus
patebit, eum cōprohabimus. Sed ut singule artes sua pe-
culiaria habent vocabula & loquendi formulas quibus
eorum principia edoceri queant: sic in hac præfatione &
principio necessario admonēdus est Lector, ea quæ ad hanc
culturam pertinent, ordine, sed tamen obiter tradenda;
plenius etenim omnia in Agricultura elucidabuntur,
ubi singule stirpes suo ordine sigillatim describentur, per-
inde atque alia quæ ab eodem Auctore enulgata fuere,
qui avium & piscium icones ad viuum expressas adeo
distincto ordine primum exhibuit, ut qui eum subsequuti
sunt recentiores, licet eas postmodum expolierint, mini-
me illius methodum assequuti sint: atque in animo habet
serpentum etiam effigies breui in lucem efferre, cum pri-
mum per occupationes licebit.

Pro-

PROBLEMA II.

Quantam vtilitatē consequi liceat ex Siluestrium arborum cicuratione, modò cultorēs laboris non pigeat.

SUMMA porrò nōn fuit ea difficultas quæ in supradictarum rerum, vel arborum aliarumq³ stirpium explanatione, descriptione atq. picturis nobis obtigit: sed in veteribus nominibus perquirendis, quæ rebus presentibus adaptare possemus. Nōne igitur hoc loco meritò conquiri liceat de iis qui aliena opera videntes, simulantesq³ se profiteri à quibus didicerint, nunquā tamen in animum inducere potuerunt, ut id facerent? Sine igitur externus sit, siue Gallus, cui nomina subiucimus per quæ ad multarum nouarum rerum cognitionem peruenire queat, eum fateri non pudeat, si à nobis didicerit. Vnde verò didicisset externus, qui in Gallia non vixisset aut versatus fuisset, piscium, auium, & serpentium Gallica nomina cum veterum nominibus collata, nisi alibi descripta inuenisset? Sed cū in huiusmodi re illi adiūmēto fuerimus, cur nō agnoscit? Idē contingere posset de arboribus, nisi remediis ab initio occurreremus: nam ut neq. Lexica, neq. recentium scriptorum commentarij quidquam auxiliij adferre valuerunt; sic neque tu qui ingenti librorum multitudinem tumes, in illis inuenies qualia hīc leges, tandemq³ fateri cogeris à nobis desumxisse. Sed an existimas nos (nisi ab exteris ea quæ de arboribus leges, edocti essemus) dicere ausuros, sæpenumero te falli, dum aliam pro alia sumis? Quibus verò exteris? non iis sanē qui grauitatē proficentur: nam de rusticis rebus hīc agitur. Admiratione digna profectò res est, post Theophrastū, nec Commentatores, nec Auctores, nec Interpretes quidquam obseruare potuisse, quod illum fugerit. Ex hoc itaque Problemate discite geminā Cherme Gallici appellationē, & Ostriam nuncupatē, non autem Carpinum: nam cū in incultis nascatur, quis me de ipsius appellatione certiore reddi-

diffet nisi externi rustici? Magnum igitur contemti laboris indicium est, tam altè subire ob unius arboris observationem, eumque tam vili aestimare, cum tã magno constiterit. Ita se ab hominum contubernio segregant qui solitudines amant. An non magna fuit veterum cura, qui homines ad summos totius orbis montes ablegarunt, ut arbores observarent? Legitis duo Fraxini genera, bina Ulmi, totidem Tilia à Theophrasto descripta: sed quanam ea sunt? habemusne illa an non? nemo recentiorum dicit, tantum abest ut aliis ignotis lucem adferat. Pluris igitur aestimandum est, eas vinas oculis subiicere, quam ex scriptis, illarum mentionem facere. Quod minimè prestare potuissimus, sine exterorum auxilio, in eoq; plurimum nos iuuarunt homines idiomate inter se planè differentes, Syri, Græci, Egyptij, Bohemi, Itali, Britanni, Angli, Arabes. Theophrasti interpret scribit: Carpinus ab Acere differt, quod Aceri candida nervatq; materia, Carpino autem flava crispâque. Id quidem in medium proferimus, nō ut ostendemus nos Latinam linguam nō ignorare, sed ut evincamus Carpini materiem flavam crispâq; esse debere: quæ notæ nostro Cherme siue Ostrie minimè convenire possunt. Sed hoc exemplum adductum esto in aliorum comprobationem. Quisquis autem ordinem à nobis observatum in his quæ antè in lucem protulimus, cum eo quem nonnulli, postea eadem expolientes, observarunt, conferet, præ nostro confusum & malè digestum inueniet: quod in nostram excusationem dictum volo, qui nullam methodum, ad arbores quod attinet, in his Problematis observauerimus. Quid præterea expectere queas, ad probandum, in omnium rerum observatione adhibendam esse diligentiam, quàm Delphini historiam? Cum enim in nostris piscationibus frequentissimè capiatur, in Italicis adeò rarus est ut istic haberi non potuerit ad exprimendam illius iconem; cuius rei fidem face-

facere possunt pictura proximè inde allata, magno certè sumtu coparate: quæ testificatur, beneficia referenda esse iis à quibus accepta sunt, & pleraque in una provincia vulgaria esse, quæ in aliis rara sint. Itaq. in hoc opusculo ingratitude nota Auctor nunquam meritò accusari poterit. Et quemadmodum scripto minimè opus fuisset ad persuadendum Gallis, ipsorū Oye de mer & Marlouin, esse veterum & recentiorum Delphinum, nisi difficultas fuisset in ea reprobanda sine scripto: ita haud opus erat hunc peculiarem libellum scribere, & multas disceptationes in eo inserere ad probandam siluestrium arborum cicurationis facilitatem, nisi scrupuli suborti essent qui nondum fuere explicati. Cùm igitur hic libellus de siluestrium arborum cultura ex professo agat; duo inseremus ex quibus duplex utilitas emanabit: ex altero literati viri nouarum rerum scientiam adipiscuntur: ex altero rustici census augendi rationem intelligent. illo arborū notitiæ illustratione, hoc verò earū cultura præceptis, quarum rerum scientia sua etiam voluptate non carebit. Nemo est adèò rudis ingenij rusticus, qui ignoret, omnes stirpes radicibus, ramis, foliis & fructu præditas esse, & qui illas, quando opus est, ad suum vsum accommodare non norit: sed non est agrestis ingenij, earum differentias docere, & de earum natura disceptare. Quæ omnia nulla ratione doceri potuere quin ad Respublicas utilitas redierit: nam & homines scientiarum audi inde commodum accipient, & summam utilitatē ex rebus facilibus earūque cultura desumptis, magna cum facilitate, & sine expensis consequentur. Sed quemadmodum in deliberationibus nulla maior difficultas oriri solet, quàm cùm ob expensarum magnitudinem opus imperfectū relinquere cogimur, laborumve grauitas voluptatem longè superat: sic rarò contingit, vt voluptatem cum utilitate coniunctam nancisci queamus, vt taceam summas diffi-

A S cultates

IO DE NEGLECTA CVLTVRA STIRP.

cu tates in hoc instituto obiectas, nempe Auctorem nulla memorabili beneficio adiutum, nec ab alio quopiam Auctore istam rem hac ratione tractatā fuisse. Eam ob causam hand minoris aestimationis censendum erit hoc propositum, cum caruerit scriptis quae illum multum iuvare potuerint. Vt verò Agricolam constantem & omnis morae tolerantem esse decet, dum tempus praestitutum expectat: sic etiam hoc scripto edocebuntur, in omni cultu tolerantiam esse adhibendā, quandoquidem illis tantum tēporis ad obtinendam voluptatem cum utilitate coniunctam conceditur, quantum expectare solent ij qui decimo quoque solummodo anno suas silvas cadunt, ut censum ex illis accipiant. Vnicum hoc exemplum satis esto, ut illis probemus, nullam habere causam, cur eos istius morae tedere debeat, dum arbores, quae illis proponuntur, sensim excrescere permittent. Nos autem de cuiusque stirpis natura seorsim mentionem faciemus, atque de eius cultura agemus: ex quarum alterā theorica, ex alterā verò praxis & usus disci poterit: hac itaque ratione disceptationes de agrorum cultura, eorumque commodis, & de suburbanorum praediorum censu, ab iis quae de natura stirpium Medicorum more agunt, sciungemus.

PROBLEMA III.

Silvestres arbores, quemadmodum nec mites & domesticas, nullam habere certam & constitutam altitudinem.

N V N C animum animadvertite. An vestro iudicio exigui momenti res erit, rationem vos edocere, qua varij generis singularesque arbores quaeque singulis annis magnam vobis censum adferāt, sine sumtu alere possitis? non duodenas, non cētenas, sed millenas, & si opus etiam esset, decies centies millenas? At ut omnes neque eiusdem naturae, neque eiusdem diuturnitatis sunt; sic etiam altitudine

dine inter se differunt. Modicum est vobis recensere trabes non vulgaris longitudinis, quæ etiamnum permanent cum in multis templis Gallia, Italia, atq. Germania, tum in Regum palatiis, & pontium supra torrentes exstructorum fabrica, ad vrbes in conuallibus & inter montes fitas, ubi arbores in immensam altitudinē excreſcere ſolent. At maius erit in medium vobis adferre res admiratione dignas in durissimis ſaxis inſculptas, quæ hominum artificio inuenta ſunt. Namque malum nauis conſpicere ducentis aut trecentis cubitis longum, fidem non ſuperat, quoniam Natura opus eſt. At ſolidū ſaxum videre arte exciſum longius atq. craſſius quàm vlla arbor vnquam conſpecta ſit, in admirationē proculdubio rapiet qui hæc legent. Attamen quandoquidem certū & verū eſt, probari poteſt ex iis quæ etiamnum ſuperſunt, obeliſcis nimirum, columnisq. quæ Roma ſunt, atque ex ingētibz Colloſis & Pyramidibus Egyptiacis. Te fabrum lignarium cōpello: credēsne tibi poſſe oſtendi ſaxeas trabes longiores atq. craſſiores quàm quas vnquam ex vlla arbore in aliquam fabricam inferre potueris? Sed vter in tali opere audacior, artiſexne, cui, vt id moliretur, imperatum eſt, an qui animo comprehendit ſimilē rem fieri poſſe? hæc ratione varia inuenta, diuerſorum præclarorum artiſicum ingenio, ad optatam finē perducuntur. Quandoquidem autem ſimilia opera nunc oſtendi queunt, cui nam hanc laudem attribues? Nam ſi huic qui imperium dedit; quid de primo inuentore dices? Iſtud igitur Lector accipito, artiſices tibi poſſe demonſtrari, qui & conſicienda ſuſcipient, & ad abſolutionem perducendi rationem inuenient? Qui fructiferarum arborum culturam docuerunt, nullius erunt uſus in hoc negotio: nam alia de ſilueſtribz, alia de fructiferis eſt ſermonis inſtitutio. Antonius tamen Venetus Siculus inter recentiores laude dignus eſt, qui fructiferarum quarundam arborū cultu-

ram

12 DE NEGLECTA CVLTURA STIRP.

ram dilucido ordine tradidit, qualem longa experientia didicerat, quem nos separatim interpretabimur; neque enim in hoc opusculo quidquā ipsius, Varronisve, aut Columellae, aut Plinij, aliorūque similium auctorum inferere volumus, nisi ubi ipsorum auctoritate opus erit, ut quid silvestre dicendum sit, probemus. Nemo autem hactenus inuentus est qui arborum culturam hac ratione docuerit, nempe, ut silvestres silvestribus locis conscrantur, hoc est, ut silvestres per se cicerentur, neque etiā cuiquam Principi talis adhuc propositio facta est. Variæ sunt arborum altitudines, & quidquid rari in ipsis reperitur, earum natales, morbi, curationes, atque eum, de quibus aliās disceptatio instituetur: nam, uti dictum est, sigillatim nunc enumerare minimè cupimus quæ quibus provinciis peculiaria sunt; ut, exempli gratia, nonnullas valles insula Corcyra in Græcia oleis semper virentibus obsitas, quæ haud in minorem altitudinem excrescunt, quam nostræ quercus, montes verò Terebinthis nostras Inglandes æquantibus: & suberis arbores ad lacum Bolsenam nuncupatū, sub urbe Montefiascone agro Romano, quæ istic multo maiores & ampliores nascuntur quàm apud nos vllæ Ulmi conspici possint: in Lutri ad ripas Lemani lacus Aceris latifolij arbores magnas atq. ramosas: quemadmodum etiamnū perdurare Platanos & Lotos apud urbē Antiochiā tam vastæ magnitudinis ut verisimile sit eas istic iā ante multa sæcula consitas esse, & forte ab ipsa Romani imperij amplitudine: nā cum secundū publicam viā ita distributæ sint; certum est eas istic expresse repositas. Consideratione etiā digna est Basiliensis illa Quercus in latitudinem patens, quam rari ingenij vir Cardanus libro de Rerum Varietate multum predicat. Multas verò alias huiusmodi enumerare possemus, si necesse esset.

PRO-

PROBLEMA IIII.

Quempiam aptum fore ad magni alicuius Principis prædia colenda, qui minimè aptus esset vt tenuis fortunæ homini inferuieret.

NEMO vnquam inuentus est qui terram coluerit, nisi spe utilitatis. Sed aliud est Principis, aliud rustici fundum colere. Enocatus quidam vt magni cuiusdam Principis morbo mederetur. & qui, vt peritiam si a extolleret, in xenodochio artem exercuisse dicebat, auduit, idoneum esse posse quempiam qui in xenodochio morbos curet, qui ad Principis curam suscipiendam ineptus esset; ac si diceret, diuersam in viroque curandi rationem esse sequendam. Sic quadam cultura voluptatis & ornatus gratia instituitur: altera questus & commodi causa: ac si aliam esse oporteret cultura ratione quæ ad voluptatem & oculorum oblectatione fit; diuersam verò quæ utilitatis gratia suscipitur. Qui huius deliberationis scopum considerabit, dignum qui a Principibus viris foueatur deprehendet. Neque quisquam inficiari poterit, quin (illum in lucem producendo similibus Disceptationibus quæ hîc in medium proponuntur) eius experimentum & praxis, Imperatoris aut Regis alicuius auxilium probè mereatur, vt ad absolutionem per duci queat. Sed in eorum defectu, Dei nostri immensa bonitas, quæ Auctorem acri temperamento, & adamantino robore donauit, eiusmodi animi conceptiones ad perennem soliditatem perduxit, nec vt vitium aliquod negligentia commissum illi imputari queat permisit. Cum porro omnia bona inde originem trahant, verum est quod vulgo dicitur: tria duntaxat occasione præbere hominibus vt sine labore diteſcant. Nam primum beneficio & fauore Principis plurimi extolluntur, alij nullo suo merito, alij verò probè meriti, qui alioqui egeni essent. Secundo, cum quispiam

non

14 DE NEGLECTA CVLTURA STIRP.

non speratam hereditatem consequitur. Tertium situm est in negotiationis felici successu. Contrà verò, his tribus aduersis, ex diuitibus & potētibus fiūt inopes. Martialis plura non prodidit. Sed unde omnium censuum origo, nisi ex telluris ubertate? Itaque si cui facultates augeſcūt, id non fit sine ſatione: imo ne fungi quidem sine materia naſcuntur. Non leue igitur eſt, facultatum augendarum rationem docere sine ſatione, quemadmodum in ſupra dictis, qui ne tantum quidem oculi ſibi ſumſerunt, ut de cultura muniis cogitarent, & tamen culturis ad ipſorum vota inuentis fruuntur. Ut igitur in facinore aliquo deprehenſus ſeſe purgandi rationem non facile inuenit: ſic contrà qui probe ſuo munere functus eſt, infamia notam ſubire non poteſt, licet nemo cuiuſcunque conditionis ſit, qui magnum aliquod opus ſuſcipit, tam dextre animi conceptiones in actum deducere poteſt, quin calumniis obnoxius ſit. Simili ratione ſi qui hanc culturam reprehensione dignam cenſerent, quod nimium argutè res curioſa sine vtilitate ſuſcipiantur: ſperamus tamen æquiritatis amatores de illius ſucceſſu probe edoctos, futuros propitios, cumq; auxiliij penuria imperfectum minimè permanſurum.

PROBLEMA V.

Tolerandum eſſe Artificem, cuius opus venale non eſt, nec niſi à Rebus publicis & Principibus redimi poteſt.

SED nulla deliberationes ſolida protectione ſubnixæ, ſuaſore egebunt, modo digna inueniantur, ut honeſtam commendationem apud Principes quibus nuncupata ſunt, mereantur: & ipſi Principes conferre dignentur cū iis qui Rebus publicis imperāt, ut cum his qui illas adminiſtrant, communicent. Eadem igitur humanitate erga hanc utantur, quam Crocodilus Trochilo preſtare ſolet. Is flumen Nilum egreſſus, in eius ripa aërem captat & ſubinde obdormiſcit: os tamen ſub apertum relinquit,

quit, ut aditum anicula praebeat, quae dentibus ipsius in-
 heretia depascatur. En vobis duo commoda in rebus dis-
 paribus sub fiducia magna familiaritatis comprehensa.
 Nam Crocodilus sui commodi & voluptatis causa Tro-
 chilum sibi repurgare dentes permittit: Trochilus verò
 eos repurgando hoc consequitur commodi, ut sine alterius
 incommodo satietur. Sic unus suae utilitatis causa, ut
 alius similiter eam consequatur concedit. Sed difficulta-
 tene caret? quandoquidem plerumque accidit ut à no-
 stris potius ledamur, quam ab externis. Si igitur nonnul-
 li hoc beneficio indigni, id neq. pro Principis servitio, ne-
 que pro suo aestimare potuerunt; multo minus pro publica
 utilitate: nam cum eorum desideria sola insatiabili aua-
 ritia nitantur, nullas alias diuitias aestimant praeter suas
 facultates. Cum ergo ipsorum morositas huic cultura in-
 iuriam intulerit, nostra arbores illis exprobrabunt; gra-
 uius enim illis quidquam facere nequeunt. Quemadmo-
 dum igitur multi cultros & cibos mensae apponunt, ad
 nonnullos saturandos, qui nullam illis gratiam rependunt;
 sic quidam aliorum gratia labores suscipiunt ingratis.
 Miser aliquis seruus brachium aut crurum frangens, vel
 in aliud infortunium incidens, dum sui heri mandata ex-
 equitur, ea ob causam herilibus adibus non eicitur, cum sua
 culpa aut negligentia id infortunium minimè acceperit.
 Sed quandoquidem tolerantia omnes difficultates supe-
 rantur, leuitatis & inconstantiae argumentum est, si quis
 praestitutum tempus fruendi suis bonis expectare non
 queat. Euenit enim quibusdam qui seminibus terrae com-
 missis, ea statim quarto die nasci voluissent, propterea
 queruli eorum seminum datorem, atq. ipsius artem vi-
 tuperarunt: cum tamen pleraque ad alterum, atq. etiam
 tertium annum sub terra lateant. Accidit dum has Di-
 sceptiones scribimus, ut multa semina iam ante trien-
 nium fata primum prodirent, cum tale quid minimè ex-
 spectare-

spectaremus, in quorum numero fuere *Tinus*, *Ornus*,
Olea, *Zyzipha*, *Rhus*. *Platanus* verò, *Nerion*, & similes
 altero post sationem mense prodeunt, si vel pluvii vel alia
 ratione rigentur. Inde fit ut nonnulla *Autumno* sint
 terra committenda, non ut proxima aestate, sed eam sub-
 sequente vere germinant. Quisquis igitur penitus con-
 siderabit quae circa hanc rem observanda sunt, aequum se
 iudicem in rebus verisimilibus praebebit. Nam quemad-
 modum *Cicero* in nemine unquam inuenit quod in perfe-
 cto Oratore requiritur: sed talem sibi in animo finxit: sic
Galenus cum nullum temperamentum sine excessu in
 homine inuenire posset, temperamenti omnibus suis nu-
 meris absoluti Ideam excogitavit. Arbores intelligite,
 morosi homines vestra bona contemserunt: sic enim vulgo
 dici solet, *Vilis conditionis hominis laborem*, pro nullo esti-
 mari, at veteribus gratias agite, qui vobis fauerunt, ve-
 straq. causam tutati sunt. Sic interdum mensa sternitur
 nonnullis, qui saturi, beneficium non agnoscunt. Quod si
 ea de quibus iam egimus & postea agemus, in privati ali-
 cuius gratiam suscepta fuissent (praesertim cum multa sin-
 gularia magnae cuiusdam Reipublicae utilitate digna, re-
 ferre studuerimus) nonne merito honestam aliquam merce-
 dem petere possemus? Sed in horum defectu hac scripta lo-
 cum habebunt, non ad illis obiiciendum, sed ad liberum
 illis iudicium relinquendum. Ista etenim non proponun-
 tur tanquam *Hercules ille Nesteus*, aut *navis illa Non-
 pareille du Haure* nuncupata, sed ut res facilis, non ma-
 gni sumtus, & magnae utilitatis, quae oblectationem & or-
 natum edocet Regni gloria dignam, cuiusque singuli par-
 ticipes fieri poterunt. Eadem porro mea est, & cuiusvis
 suas lucubrationes in publicum efferentis, cum *Pictori-
 ribus*, *Poëtis*, *Plastis*, *statuariis*, aliisque omnibus insigni-
 bus artificibus ratio: nam quemadmodum artifex qui in
 alterius commodum, siue publicum siue privatam, opus

aliquod

aliquod instituit, nihil insigne, nihil magnificum præstare potest si deficient sumtus: sic nullum insigne opus à Poëta, Statuario, Pictore vel Architecto exspectandum est, nisi sumptus conferantur, uti neq. ab eo cuius artificium venale non est. Cùm igitur hæc præcepta, consiliū, & auxilium ad augendas exornandasq. Respublicas adferant, eorū quos ista ad sui amorē pertraxerint, officium esto, ut hæc prædicent, prout laudem mereri indicabunt. Itaque fieri nō poterit, ut, qui liberali ingenio præditi sunt, suāq., ut decet, authoritatem tuentur, hæc frustra tradita esse permittant, modò inueniantur qui animum ad ea applicare velint. Sed cū sæpe euenire sciamus, ut multa necessaria insecta maneāt, vel artificū penuria qui ea exequi sciant, vel eorū negligentia & socordia qui rebus præsumunt, aut administratorū inscitia: admonitos volo, quorum interest, non minus decere amplitudinē potentiamq. antiqui, nobilissimi, magnificentissimi, atq. optimē instituti cuiuspiam Regni, ea sibi applicare, ad ipsius illustrationem, & futuræ commoditatis spem, quæ & priuatim & publicè utilitatem adferet.

PROBLEMA VI.

Huius culturæ finis cū magni sit momenti, fieri nequit quin summa utilitas inde accedat.

CVM quilibet intelligat, aliud esse, singulari duntaxat quadam curiositate sine utilitatis spe, aliud sola adipiscendæ utilitatis gratia res perquirere; totius huius negotij caput facile inueniet, videlicet facultatum augmentum in suo labore. Porro dum has Disceptationes scribimus, septem dierum occupationem, Poëtarum nostri seculi magnum examen ex suis aluearibus prodit, qui vernum tempus media bruma sentientes, thesaurorum suorum partem nobis protulerunt: Nunquam tot ode, tot epigrammata, tot hymni, panegyrici, totq. poetica scripta in lucem prodire: publica etenim letitia in hoc Regno & apud eius confæderatos, ob receptum Caletum, ob prospere

B

ritatem

ritate & laudes nostri pijs & Christianissimi Regis, ma-
 turum consilium Domini Conestabilis, & strenue naua-
 tam operam Domini de Guise, tum vigeat, atque in
 omnium ore erat. Quam cum pauper quidam & decre-
 pitus senex exandiret, interrogabar: Nūc verò ad nos in-
 de redibit aliqua utilitas? Videtis itaque ut singuli com-
 modum & utilitatem sibi expetunt ad hanc vitam tra-
 ducendam, etiam si alterum pedem in tumultu habeant;
 non ignorantes non satis esse vivere, sed prestare commodè
 vivere, & commoda vita diutius frui. Fortè etiam non
 abs re quispiam petat, num tanta utilitas ex hac cultura
 redibit, quanta hīc prædicatur? Sanè quandoquidem di-
 vitie, atque ea quæ ad humanam vitam sustentandā ma-
 ximè necessaria sunt, inde hauriantur, potissima in super
 census pars Procerum illa nitatur, & hac quibus artes
 indigent, maxima ex parte in ea consistant; tanto maiore
 commendatione digna est. Sed magis mirum est, quòd, li-
 cet arborum beneficio tot commoditates consequuti si-
 mus, earumque adminiculo fodinæ nobis metalla submi-
 nistrent, hac hominis cupiditati nondum sufficiant: nam
 licet mori debeat natura ipsius deficiente, mille tamen ra-
 tiones inuenit quibus vitæ suæ vim inferendo mortem ac-
 celeret. In eam rem fabricatæ sunt triremes, naues, lan-
 cæ, sarissæ, iacula, pila, sagittæ, quæ adhuc ad maiorem
 soliditatem chalybem recipiunt, vel eius defectu, igne in-
 durantur. Arborum beneficio peregrinas & procul dis-
 sitas regiones adeunt, earumque bona in suum vsum con-
 uertunt. Ligna currum artificibus & lignatoribus
 præbent, carbonariasque officinas implent. Parum
 erat eas in imagines expolire, & splendidam ex his do-
 mesticam suppellectilem instruere: nisi ratio inuenta esset,
 qua aliis segmentis & tenuibus laminis glutino vermi-
 culatim coniunctis preciosiora fierent. Itaq. nostrum hoc
 institutum in eo non consistit, ut pergulas extruendi,
 brassi-

brassicas transplantandi, ligni fasciculos componendi, planiciem aliquam horti depingendi, & variis figuris exornandi novos modos doceamus: sed ut Regis amplitudine dignum sit: nanq. istæ deliciarum minutie postea in agricultura tradentur. At has disceptationes familiarius, & historie quodammodo instar persequamur (est enim re vera hoc initium historia recens admodum, quæ per texenda nobis est, donec ad potissimam de qua agit materiam perueniamus) cuius nullum exemplum ipsius præstantiam ita nos edocuit ac longus usus, ut experientia probari potest, ex his quæ adhuc exstāt variis huius Regni locis apud peritissimos & diligentissimos huius ætatis cultores, cuius rei causa ab iis nostra opera est expetita. Sed & nunc nostra studia aluntur singulari probitate & liberalitate Domini Francisci Olinery, Gallie Cancellarij, ut alebantur à p. m. D. Renato Bellaio, Cenomanorum Episcopo, à quo olim ab ineunte nostra ætate beneficia accepimus, ob communicata solammodo variorum stirpium semina, ex Italia, Germania, atque Flandria delata, ex quibus natae plantæ, nonnullæ etiamnum permanent, hortum Touvoiensem, quem apud Cenomanorum urbem instruxit, exornantes. Sed licet nemo qui ædes suas insigni aliquo loco exstructas habet, est, qui earum nō modo censum augere, sed eas etiam exornare non cupiat: id tamen illico fieri nō potest; adhibendi enim sunt artifices, quoniam in omnibus rebus tempus requiritur. Inde per uniuersam Galliam ruri conspiciuntur tot insignia & bene exstructa ædificia, quæ rara in Italia, nulla per Asiam, pauca apud Heluetios & Germanos; quoniam ut plurimum maioris securitatis gratia in urbibus se continet: at in Gallia, præsertim in eius Regni medietullo, ubi à belli formidine liberi sunt, rura incolere malūt. Eā ob causam Procures, quibus sæpenumero publica administratio conceditur, cum aliunde facultates habeāt

quàm quas ex suarum possessionum censu percipiunt, eas
 edificiis exornant, suæ commoditatis causa, ut locorum fi-
 tus fert, atque ista ratione earum censum augment. Pu-
 detne igitur vos Magnates, qui magnis sumptibus tot ter-
 re ingera longis muris conclusistis, tamq̃ insignes fabri-
 cas extruxistis & exornastis, aliam rationem inuenire
 non potuisse committēdi aliquid vestræ telluri quiescen-
 ti, ex quo utilitas ad vos redeat, quàm quæ vulgaribus
 rusticis in usu est? Nam cū ea mœnibus septa sit, nec
 periculum sit à pecudum arrosione, magnam earum re-
 rum partem quam illi communicare velletis recipere pos-
 set, si id in animum induceretis. Quod pecunia penuriam
 incusetis, nulla vobis ratio est; quandoquidem sumtus in
 edificandis muris facti vos accusant: at quo modo id fieri
 debeat, ignoratis; hinc ergo discite. Quemadmodum igi-
 tur arces minoraq̃, edificia tandem ruunt, nisi incolas, &
 vitia repares, ipsa tamen tellus interea incrementū agit:
 sic arua & horti, si cultura absit, deserta fiunt; contra cæ-
 dæ siluæ meliores redduntur, si incultæ maneat: hinc
 nonnullis data est admirationis occasio, cū audiunt se-
 gnitiem interdum ad aliquam rem esse utilem. Itaque si
 arborum ætatem cum herbarum æuo conferamus; arbores
 longè excellere, maiore commendatione dignas esse, maio-
 remque censum & quæstum adferre comperiemus; quo-
 niā minutæ hæ herbe annua satione cōseruandæ sunt; alio-
 qui, si negligas, intercidunt. At arbores cū sine cultura
 permaneant, exigua cura indigent, magnam tamen uti-
 litatem adferunt. Quæ adeò res has Disceptationes com-
 pulit, ut arbores æstimaremus, & earum culturam atque
 perquisitionem herbarum cultui præferremus. Hic ta-
 men libellus, ut dictum est, siluestres arbores cicurandi
 rationem edocens, res postea proferet memorabiles, & di-
 gnas quæ in historiis nostri temporis inserantur, quæq̃, pro
 ordinis earum propositione, Regis fauore & auxilio hand
 indignæ

indigna indicari queant. Pro his etenim stirpibus dicere audebimus, eas videndi & cognoscendi desiderium, maiorem huic scripto & labori occasionem præbuisse, quam reliquarum scientiæ partium studia. Porro quemadmodum Phœbus vir Princeps & illustris, & omnium venatorum Coryphæus, de suis canibus dicere solitus erat: sic hoc loco de stirpibus dici posset, pro quibus nemo fortè alius tantum laboris sumsit; quod etiam sine rubore affirmare ausim. Is igitur de Hinnuli venatione loquens, in hac verba dicit:

At quando Venator feræ vestigia repererit, eò canes cōvocare, & quæ cōmoda videbuntur verba proferre debet: cūq; canes eò aduenerint, hinnulū statim odorabuntur. Si igitur hac ratione illos bis aut ter conuocauerit, nunquam eadem verba proferet, quin canes adueniant, etiam si nulla feræ adesset: nam semper existimabunt, se se eius feræ quam persequunturi sunt, vestigia odoraturos. Sic morigeri fiunt, & ut quò velimus veniant edocentur. At peritus venator meram veritatem suis canibus dicere debet, ut maiorem ipsius verbis adhibeant fidem. Nam meos canes venire, & millies terram odorari compellerem quo loco vellem, etiam si nulla adessent vestigia. Sed id ipso potius factò quam scripto eos qui non viderent edocere possem. Et sanè pessimè venationē instituunt qui nimium loquaces sunt & clamosi: nam canes nimium garrulis tantam fidem non adhibent, quàm iis qui pauca loquuntur. Non inficias tamen eo, canes defessos, aut feram indagantes, blandè compellendos & exhortandos esse: sed id moderatè fieri debet. Et me hercle meis canibus perinde loquor, ac homini: cumq; dico, progredere, regredere, huc ad me veni, hoc age; me intelligunt, meliusque mea mandata peragunt, quàm ullus meorum domesticorum. Sed nō arbitror quenquam alium id ab eis impetraturum, neq. etiam fortè me extincto. Hæc Phœbus.

B 3

Sed

22 DE NEGLECTA CULTURA STIRP.

Sed ad institutam orationē redeuntēs, dicamus cum Virgilio, Arma virumque cano. Nam quemadmodū venator indaginem instituere non debet sine cornu; sic qui huic studio sese applicat, sua instrumenta habere necesse est. Hoc est cum herbationem instituit, minimē domo excedere debet, quin ferreum ad eruendas stirpes instrumentum, sacculum, atramentum, papyrus, atq. chalybem excitando igni idoneum secum deferat. Itaque haud dubium est, neminem hac ætate sic consulto de arboribus agere, neque forsitan alius me extincto succedet, qui arborum gratia hanc provinciam suscipere velit, sine maiori auxilio. Verbi gratia, Theophrastum semper intertia persona loquentem comperimus; unde colligi potest eum magnopere adiutum, ut ad arbores perquirendas alios ablegare posset. Raræ sunt, inquit, arbores quæ siliquas ferunt, atque inter alias Ceratia, Cercim, & Coluteam recenset. Sed cum hic interpretem non agamus, sed disceptationes duntaxat, huius idiomatis (nempe Gallici) causa, instituamus, arbores & frutices siliquas ferentes, Staphylodendron, Laburnum, Cerinam, Tamarindum, Acaciam, Coluteam, Genistam cum Hispanicā, & vulgarem, tum Nibernensem, Rontazo apud Montefiascon nascētem, Cassiam solutiā, Anagyrim, Nerion, & Arborem Iudæ vulgo nuncupatam cōperimus. Hic multo plurimum appellationem auditis, quā Theophrastus tradiderit. Sed hic duntaxat de earum semina conquirendi, atq. ad germinationem perducendi ratione agitur: nam alias de ipsarum natura agemus: Cassiæ porro & Acaciæ effigies in nostris Observationibus videre licet.

PROBLEMA VII.

De Sationis foliorum in arboribus defluuij tempore, deque loci, qui conferendus est, præparatione.

CUM Natura siluestribus arboribus legem imponeret, negavit ut earum semina neq. siluestribus, neque in
urba.

urbanis nasci queant, nisi calido, molli, & humido loco: que consideratio longiores adhuc alias disceptationes parit. Nam si quis in Arabiam vel Egyptum proficiscatur, & istic nostrates arbores alere velit, experimenta forsitan inueniet eius regionis incolis conuenientia, quæ admodum hîc ab illis mutuari possimus; præsertim cum Tamarindos & plerasque alias arbores illis peregrinas esse animaduertamus, quarum tamen abundantiam adquirere possent, si earum semina terræ committerent. Perspicuum etenim est Alexandri aduentum in ipsorum regionem, non minorem illis utilitatem attulisse ob culturam rerum ex India & Asia delatarum, quàm Americanis intulerint Hispani, Lusitani, Galli, qui in diuersas noui Orbis regiones appulerunt, easq. multis rebus magnam utilitatem adferentibus excoluerunt. Sed primum omnium semina sunt comparanda, deinde solum pro celi temperie accommodandum. Soli præparatio ad semina excipienda, cum ea purgatione comparabitur, cui uniuersa animalia obnoxia sunt; nam etiam stirpes huic naturali excretioni subiectas esse conspiciamus. Cum saluant arbores, satis edocent qua præparatione eas natura donarit: quod accidere solet antè quàm earum flores explicentur, quemadmodum in animalibus cū libidine incensa fuere. Atq. ut Medicorum scholæ statuunt pinguedinem non esse partem animalis, sic de arborum salina dici posset. Cum igitur omnes res animate, cum qua motu præditæ sunt, tum que non mouentur, ut naturali purgatione sese præparent, obnoxie sint; certum est eandem esse cum animalibus & hominibus, arborum rationem, que naturali humectatione præparantur, qualem pro seminariis edocebimus. Considerate arbores certo temporis spacio quiescere, atque folia abiicere, non secus ac animantes vel quadrupedes vel bipedes; quarum illæ pilos mutant, hæ plumas, atq. etiam serpentes exunna: Sic stirpes post-

B. 4

quam

quam à partu hieme quicuerunt, foliis denuo sese ornantes, pragnātes ferè permanēt totius anni triēte: sed quemadmodū platanus hieme & frigoribus corticem abiicit, sic Andrachne aestate & per aestus, Suber autem nouo vere, diuersis videlicet anni temporibus. Multa tamen arbores imminētibus frigoribus folia non abiiciunt, sed illa tota hieme retinentes, demum nouo vere iis sese spoliāt. Aliæ verò quibus folia decidua, aestate vetera abiiciunt, & semen conseruant. Sed huius rei vix ratio reddi queat. Similis est nonnullarum rerum quæ in peculiaria animantia cadunt, consideratio: nam ceruis, damis, hinnulis, atq. forsitan etiam Camelopardali, Axi, magnoq. illi animali Alci (cuius cornua in limine sacri sacelli Biturigibus, quemadmodum alterius Ambosij, conspiciuntur) & Hippelapho cornua decidunt: contra Monocerotes, Strepsicheri, Tragelaphi, Gazella, Rhinocerotes, Hirci cū domestici tum siluestres, Boves, Uri, Bubali, Verneces, & Musimon, ea non abiiciunt. Nōne ergo idem arboribus, preparationis gratia, quod nobis continget? Solo mandatis Malorū, Pirorum, Oliuarum, Aureorū Malorū, Limonum, Citriorum, Adami, Granatorum, aliarumq. similis liquoris, atq. etiam vuarum seminibus, an grati saporis fructus habituros vos creditis ex arboribus inde prognatis, nisi prius eas surculis (illi arbori ex qua semina desumpsistis, similibus) inseratis? Olinas serite, nascentur vobis Oleastri, & ex Piris Malisve optimi succi, asperi siluestresq. nascentur: itaq. eas inserere necesse est. Eam nos cicurationem appellamus, cum nouo varij generis insitionum adulterio, quales in hortis aluntur, eas fieri cogimus. Nisi mortales disciplinarum dulcedinis insitionem reciperent, naturam, quæ per se agrestis est, retinerent: sic & animalia fera manent, nisi cicurentur, atq. similiter arbores, nisi insitionis cultum recipiant. Eadem igitur est ratio artis in eo qui illam edoctus est, qualis surculi

cali in arbore siluestri insiti. Sed ne à primario nostro instituto longius progrediamur, nobis vitio haud vertetur, quòd de soli preparatione primum non egerimus, ante quam ad seminaria procedamus, quasi ignoraremus cultum desiderari. Sementis & insitionis tempora adeò fuerunt à Veteribus obseruata, ut Græci, teste Galeno, hiemis duas extremitates in iis constituerint, hiemem verò mediam. Sic enim eius interpretæ Latinus loquitur: Hiemem in tres partes dissecant: cuius sub Solstitium tempus medium constituunt, de extremis duobus partim sementem, postremam *παραλίαν*, quod est inferendi tempus. Sed Solstitia, *Æquinoctia*, *Vergilia*, & alia similia vocabula suum locum habebunt in cultura plantarum explicatione. Ceterum quandoquidem nunc de siluestribus stirpibus agimus, quis agricola solum sterco-
rauit, aut sarrinit, ut sponte adollescere, nisi probus ille cultor natura? peior itaque, cum cicurandæ sunt, earum conditio esse non debet. Vos igitur rustici, qui summolabore *finum*, cineres, terram, *urinam*, calcem, & alia huiusmodi per agros, ut uberiores fiant, spargitis, possetisne eius reirationem reddere? Si eam nescitis, hinc discite: nempe fruges, arbores, herbas, reliquaq; hortensia, cum radices spargere incipiunt, facilius provenire, si solum preparatione calidius atq. mollius reddatur: perinde ac si plumæ lectis nostris in aliū vsum imponerentur, quam ut corpora molliter & calidè sustineant, ossium commoditatis causa. Tu vinitor, quenam est causa, cur equinum *finum* tuis vinetis magis conuenire aestimes? En videtis naturalem etiam quandam esse in plantis appetentiam, ut saporibus delectentur, quasi calidior soliq; humor non sufficerent. Ille itaq. salitudine, dulcedine, atq. aciditate gaudentes, molliter tamen & calidè esse volunt. Nam licet stramen non putrefactum ad radices plantarum sepultum, molliem eam præstet; nihilominus, cum

B s sapor

sapor ille desit, minus illis gratum est, & ut conspiciere licet, radicibus simili mollietate minus gaudentibus, pumile fragilesq; arbores permanent. Vos o pastores, qui ouium greges per agros pastum deducitis, atq; septis concluditis, an in quem finem id faciatis scitis? quonia videlicet fruges istic sate, delectantur solo in quo urina saporem degustare possint. Inde fit ut varie indicandum sit de stercore suillo, gallinarum, auiumque, ouillo, bubulo, camelino, equino, atq; humano. Falluntur nonnulli qui existimant pingue solum arenoso preferendum esse ad seminaria instituenda: at experientia contrarium docet, & id Theophrastus iam olim scripsit, ut planius in Gallica versione apparebit.

PROBLEMA VIII.

Neque homines, neq. solum, neq. etiam animalia grauiorem laborem tolerare posse, quam iis naturæ leges constituerint.

ARBORES, tellus, plantæ, homines, & animalia, atque etiam ipsius caliorbes quiete frui optant, teste Platoniorum anno. Nulla res animata somno priuatur. Itaque Solaris luminis priuatio ad eam rem cōuenit. Nonne igitur meritò indignari possunt y qui ad operas fuere adhibiti, cum illis quies adimitur? Hinc desumpta est origo nonnullarum disceptationum quas hîc legitis: nã postquam animaduersum est, neque rerum singulariū procul hinc obseruatarum raritatē, neq. Commentarios de aui-bus & piscibus, neq. animalium picturas rationem inuenire potuisse qua labor mitigari posset, ut iis rebus sufficeret quæ ad quietem adipiscendam necessariae erant: denique querendus fauor fuit sub stirpiū patrociniò, ob quarum studiū, nimium forsitan iis locis inhesit quæ Musca nuncupantur, Musis dedicata. At hoc non scribimus, ut Plinius in sua præfatione ait, Humili vulgo, studiorum ociosis, sed potentioribus, qui multas operas ad labores alere possunt. Verum id non sine quorundam calumnia: nam
quo

quo pacto diuitias alteri polliceri potest, qui ipse nullas habet, aut qui ab eo, cui illas pollicetur, mutuas sumit? nō defuit tamen spes, idem studium, quod auctori minuendarum facultatū occasione praeuissset, nouas etiam iterum acquirendi, rationē subministraturū. Verū tantū abest ut questus cupiditate ad haec studia impulsus fuerit: quinimo ut illam fugeret ea est amplexus. Viginti nunc sunt elapsi anni, quod manū qua haec scripta sunt χερπομαγντι inspicies, cū facultates obtinere possem, pronunciauerit: non plura quinquagesimo aetatis anno possidebis quā nunc possides. Tamē quemadmodū auro vetustas nihil addit, sed nihil etiā adimit; sic huius vaticiniij veritas postea agnoscetur. Arbores igitur, si paululū temporis vos relinquo, patientiā habetote: nā in alia re expetitur auctoris exercitium, idq; fortassis alio laboris genere. Sed ō montes, quid abscondere potuistis quod eius oculos fugerit? aut quis explorator, ō arbores, de vobis hoc tēpore plura referre poterit? Si Echo, quā toties hanc vocem per Asiae valles atq; per altissimos Europa montes exaudivit, nunc responderet, nullo alio teste opus esset. Hinc fit ut modō animi hilaritatem, modō animi aegritudinem pra se ferāt nostrae disceptationes. Igitur, ō arbores, arbuta, & herbae quae vestrum cultorem cū maximē opus habet deseritis, eius orationē audite indignatione plenam. An equū est, ut vestram imbecillitatem sibi obici audire cogatur? Nam cū illum per terram & mare mancipium effeceritis ob unicum vos videndi desiderium, eumq; adegeritis ut decies millena milliaria suis pedibus metiretur, non comprehensis peregrinationibus maritimo itinere factis, & tamen vix hunc errorem detegere potuerit, tanquam is qui nullum suum commodum quā per vestrum captare nouerit, sed diminutis licet facultatibus, maiorem adhuc vestri experientiam adquirere voluit. Quid igitur, ō arbores, hūc tacetis? sed tamen multis ad hanc rem
disce-

disceptationibus opus est: nam virtus vulnere virescens, acceptarum iniuriarum adhuc meminit. Sed ad hanc rem ne exquirantur omnes singulares dotes viri omnibus numeris absoluti, cum sciamus neminem tot rebus sufficere posse: imò ne apud Turcos quidem mancipiis plus laboris imponitur quàm ferre queant; quod dictum est ad refellendum eorum iniuriam qui sua mancipia terram, tanquam iumenta, colere debere existimant. Sed neque ipsa, neque terra, quicumque tandem labores istic fiant, neque etiam ipsa arbores plus præstant quàm nature legibus illis definitum est. Nam terra non minus suis feriis & quiete frui debet quàm arbores & homines. Non minore itaque labore, & temporis diuturnitate opus fuit ad ea inuestiganda quæ ad illustrandam stirpium cognitionem euulgabuntur, quàm iis qui, cum abundè haberent ut per omnem ætatem etiam cum maximo questu sine molestia vitam traducerent, perpetuò in suis museis se continuerunt, ex libris quæ oportuit ediscere. Ne mirum igitur videatur, si qui alia studia sectati sunt, certa quadam subtilia & arguta argumenta de artium secretis, diu & cum ocio excogitata tam promptè dissolvere non potuerint: licet, ut quis in eorum album recenseri queat, ea scire necesse sit. Nonnullis sufficit ea didicisse quæ docet toties repetita illa cantio. At alia desideria quæ maiore impetu impellunt ad ea cognoscenda quæ minorem quidem utilitatem, sed grauiiores labores adferunt, fortè audient quod obiectum est Lotophagis populis, qui ea quæ utilitatem adferebant deferentes, ad ea quæ minoris momenti sese applicabant, dulcedine fructus Loti contenti, qui tamen malum alimentum præbet. Sed non frustra cū Latinis dici possit, Trahit sua quæq. voluptas: nemo etenim ignorat, quælibet id studium amplecti quod maiorem voluptatem illi adfert: sed nullum nostra opinione inueniri queat, quod huic præferendum sit.

P R O.

Disceptatio siluestrium arborum cicurationem comprobans.

EX ANTLATIS laboribus, suo tempore nostra diligentia fructus nos percepturos tandem speramus. Olim Augusti illustrissimique & liberalis nostri Regis Maiestas mandatum dederat, ut stirpium gratia ocio frui possemus: sed tale ocium ut consequi possem, grauiiores & difficiliiores labores subeundi fuerunt quam Argonautis ut aureum vellus obtinerent: quod cum animaduertiremus, existimauimus prestare id serius consequi quam nunquam; eamque adeo ob causam ingenium intendimus, ut alia ratione id consequi possemus. Huius morae causa accidit, quoniam cum ipsi nostra scripta & rerum in Asia obseruatarum effigies offerremus, etiam declarauimus in rebus maioris momenti quam ista erant, suae Regiae Maiestati nos operam nauare posse, modo nobis aliquas suppetias ferret; & quod si ex rebus minimis aliquid conficere potuissemus dignum quod donaretur tam Illustri personae, ipsius adminiculo alia multo digniora posse conquiri. Sed ut beneficium unde prouenit agnoscamus, Dominus de Montmorency, Franciae Par, & Archimarschalcus siue Conestabilis, Princeps illustrissimus, & publicae tranquillitatis amantissimus, istam causam fouendam suscepit, nobisque auctor fuit ut nostras obseruationes in publicum efferre inciperemus: nam illius & Cardinalis Castilionai, qui priuatim pecuniae summam, in sumtum iam factorum ob animalium picturas iam enumeratas subsidium erogarunt, liberalitate factum est, ut deuinctam adhuc sentiamus nostram Serpentum historiam ipsi Domino Conestabili, quoniam pecunias suppeditauit ad earum icones (quae breui in publicum euulgabuntur) sculpendas: atque etiam quoniam ipsis procurantibus illam ad nostra studia fouenda pensionem a nostri liberalissimi & vi-

& victoriosissimi Regis Maiestate obtinuerimus: ani-
 maduertentes autē tempus effluere, & nostras de cultu-
 ra deliberationes deferuere, tametsi non deesset volun-
 tas eius peritiam, atque plantarum notitiam enulgandi,
 licet de multis adhuc dubitaremus: tum decretum fuit,
 non incommodum fore si rationes inuenirentur, quibus eo-
 dem (quod aiunt) cursu, duos lepores venaremur; ut vi-
 delicet discendo, alios nostrae nationis etiam doceremus;
 eaque ratione efficeremus, ut neque nos falleremur, neque
 etiam alij. Sed in eo difficultas consistebat, ut conferri pos-
 sent: cum scripta magni momenti non esse existimaremus,
 nisi simul demonstrarentur ea de quibus agebatur: hoc
 est, nisi, dum stirpium notitiam illustriorem reddimus,
 eas etiam vulgares efficeremus: quod minimè fieri potest
 absque patrocinio. Sed ante omnia, dum haec legitis, reno-
 cate in memoriam admirandam illam arborum ex adeò
 exiguis seminibus enatarum altitudinem. Semen etenim
 ex quo Platani, Cupressi, Alni, Salices, Populi, Betu-
 lae, Ostrae, Ulmi, & Larices nascuntur, adeò exiguum
 est, ut quilibet musca & formica quantumvis parua,
 earum arborum originem gestare possint. Parum est al-
 tissimum malum in navi figere, eiue velum adaptare,
 nisi insuper castellum supra extruatur, & bellicis tor-
 mentis muniatur ad perdendos homines, illisque vitam in
 aëre adimendam, ut terrae sepultura careant: sed illud
 maius, malum malo imponere, vela velis, nec id adhuc
 satis, nisi quartum etiam accedat. O Confidentem ambi-
 tionem? videtis vestram vitam furore quodam ferri à re
 tam exigua originem ducente, adeò (inquam) exigua, ut
 formica sese exercendo vos supra tergus gestare dici queat;
 quandoquidem eam originem gestare potuit ex qua mul-
 ta naues fabricatae sunt. Si igitur Cedrus adeò excelsa &
 recta, Larex, Abies, & Picea tam exiguo semine nascun-
 tur, an eius vecturam contemnitis? Frustra cultor ista

con-

contemnes ob originis vilitatem: nam licet quilibet rusticus iis uti queat, proposita nihilominus sunt vni ex potentissimis huius seculi Regibus. Contemnite, porro, vel non contemnite, hæc tamen papyrus excipiet. Videtis ergo eas arbores quæ exiguo semine præditæ sunt, in summam altitudinem adolescere. Alia verò è maioribus seminibus originem ducunt. Nam *Inglans*, *Quercus*, *Castanea*, *Fagus*, *Cerasus* multo maiore semine constant. At in arboribus nucleis præditis, nulla fuit difficultas: nostri enim maiores posteris abundè reliquerunt. Inde originem sumsit mutua illa regionum inter se communicatio: nam *Perse* *Persica* nobis distribuerunt, *Armenij* *Armeniaca*, *Medi* *Limones*, *Aurantia*, & *Citria* quæ Latine *Mala Medica* nuncupantur. Qui fuere auctores ut ea primum nancisceremur, quam in quibus id tum in mentem venit? Sed & nunc, ne tam procul abscedamus, *India* quæ & *Africa* prætermisiss, difficile non esset multas fructiferas arbores obtinere, quibus barbari tribus vix passibus à nobis disiti fruuntur: nondum tamen mare traiecerunt, nostrorum mercatorum qui eas regiones advenit, negligentia & incuria. Animadvertite quorsum hæc dico, & statuete an præter rem id faciam. Intelligite igitur quod vobis dicitur; nempe si hoc feceritis, illud vobis accidet. Eam ob causam noster maximè magnanimus & Augustissimus Rex, cum iam antea animum ad eam rem applicuisset, nobis tradidit schedam manu propria obsignatam, tamquam arrhabonem suæ voluntatis, & certitudinem, aliquando nobis bene consulturum: eamque schedam à Domino de Laubespine Secretario contrasignari iussit: cuius schedæ estimatio nobis spem fecit, aliquando fruituros iis commodis quæ in ea descripta erant: neque enim ita interpretari volumus ut exteri quidam, qui Principum pensiones verè passionem esse dicunt, quoniam multas animi molestias deorare, & tolerantem esse

opor-

oporteat, illas diutius sollicitando. Eadem igitur spes quæ eos qui nihil obtinere possunt castigat, facit ut, tametsi iam diu illam conseruauim, adhuc seruare oporteat, licet illius nullus consequatur effectus. Animo tamen recolens signa quadam auctoritate pollere, præsertim à maximo Rege profecta, boni consulenda sunt, exemplo eius quod Suetonius de Augusto refert, eum uidelicet Alexandri effigie obsignare solitum; sed imitatum id signum cum comperisset, postea Sphynxis impressione obsignasse: sed & Caloieri montis Sinai adseruant manus pictæ impressionem papyro adglutinatam, quam Mahometis esse prædicant, cuius auctoritas illorum adhuc antiqua privilegia conseruat, quæ Turcarum Imperatoris milites inuolata præstant. Deinde etiam meminisse iuuabat ipsius Maiestatem ex similibus iis quæ in nostris scriptis continentur, disceptationum prælectione voluptatem accepisse; proinde nostras illi haud ingratas fuisse, coniecturam inde facientes, nostram expectationem firmiorem credabamus. At postea huius deliberationis difficultate in nouæ protectionis defectu consistente, facile illam explicare licuit, ipsa Illustrissimo atque Reuerendissimo Domino Cardinali Lotharingo proposita. Nam cum ipse sit acerrimi & subtilis ingenij, paucis intellexit quid illi proponeremus. Tum pecuniis mihi distribui iussis ab ipso tanquam maxima quæque ad Reipublicæ augmentum moliente, atque etiam à Conestabili, diligenter obseruauimus ea quorum fiet mentio, præsertim in postrema nostra per Italiam peregrinatione, ad quam nos Rex ablegarat. Non abs re hæc, & quæ in hanc deliberationem inciderunt, statim ab initio commemorauimus; ne ingratitude notam nobis adscisceremus, suppressis eorum nominibus qui auxilium contulerunt: tum etiam ut rationem redderemus eorum paucorum nummorum qui nobis donati fuere. Parum fuit præcedente anno montium Aruerniæ,

uernia, Sabaudia & Delphinatus summa iuga denuo
dedita opera conscendere ad obseruandas arbores: nisi ex
professo Italiam bis emensi fuissetis, ut disceremus qua
ratione omnis generis illarū magnā seminis quantitatem
nācisci possemus. Sed ut alios quos forsitan hac cura tan-
get, doceamus, audite: nam in hoc totius nostrae doctrinae
cardo versatur. Neque Principes viri, neque rustici,
neque oppidani quidquam rari praeter vulgaria habere
queunt; cum ad suorum hortorum, viuariorum, & agro-
rum ornatum, tum ad utilitatem ex eis percipiendam;
nisi primum aliunde semina accipiant: neque hortulani
suis dominis educare possent alias stirpes quā olera &
brasicas, aliāque similia vulgaria, nisi ab aliis semina
prebeantur. Attamen haud difficile foret, breui efficere,
ut singuli rariores alias & varij generis adipiscerentur,
si illis semina aliunde subministrarentur (cuius rei ex-
emplum esto, quod nullus adeo exiguus hortus nunc sit,
qui cupressos, lauros, & plerasque alias non colat) atque
ista ratione singuli quibus ad hanc rem animum appli-
care licet, suam diligentiam, ut appareat, praestare pote-
runt. Si igitur difficilior non est siluestres urbaniores
reddere, quā domesticas conseruare: in quam calum-
niam, o huius seculi Principes, non incurritis, tam ingen-
ti bono indigni, qui vestra socordia vestros census immi-
nui finitis? Sed cuinam tribuetur insignis hic error, socor-
diae ne & indignitati personarum, an ipsi tempori? Vos
igitur qui doctrinae nomine tumetis, & singula in com-
mentarios referre vos profitemini, cur eius rei non memi-
nistis? Quanam est hac negligentia, quod arborum
per vniuersum orbem celebratorum stirpes prorsus ex-
stingui permiseritis? Sed aliās id demonstrandum est:
nam nunc de siluestrium cicurandi ratione nobis institu-
tus est sermo. O boni senes & parentes qui vestras heredi-
tates virentes, bene cultas & opulentas desideribus homi-

C

nibus

nibus reliquistis: an calumnia digni non sunt, quod egen-
tes facti sunt? De te nunc agitur Balsamum, cuius cul-
tura, non ingera, sed integra arua occupare solebat. No-
stris maioribus gloria cedebat, quod illud in recessarios
usus obtinerent, vobis autem vitio vertendum, quod id
perire permiseritis. Vestra opes, o homines nihili, cultu-
ra negligentia pereunt. Sed cuius culpa, o Principes, eius
cultura non restauratur, nisi quoniam vobis in mentem
non venit? Iam Iericho deserta est, Balsamum istuc am-
plius non nascitur. Magnificencia igitur veteribus vos
superari, fateri non pigeat. Semiramis, Attalus, Philo-
metor, Harpalus, & multi alij Principes extincti, cum
viri, tum femina, nomen sibi adquisire, quod cultura
delectarentur. Si quis nunc id in usum renocaturum
polliceatur, inueniretne qui illi fidem adhiberet? Dubi-
to, nam esse desit. Sed secundum ea quae vobis hic propo-
nuntur, agite, o adolescentes, & ante quam canicies vo-
bis obrepit, stirpes iam alueritis, quae vobis cum insigni
utilitate delectationem etiam adferent: nam quemadmo-
dum canicies temporis successu, vobis insciis, sensim obre-
pit: sic natura vobis inserviens educabit quod telluri ve-
stra concredetis, modo prima initia illi dederitis. Quis-
piam iam prouecta etatis accersitus ad opulenti cuius-
dam liberos instituendos, immortalitatem illis polliceba-
tur: parens illorum, vadem postulans, responsum tulit,
quantum ad se attinet, certum se esse, minimè calum-
niam incursum nisi immortales fierent: cum videlicet
non ignoraret se inuentum non iri, cum illi morerentur,
ut fidem suam praestaret. Attamen ille non corpo-
ris immortalitatem promittebat, sed nominis illorum
gloriam.

PRO-

Quæ causa sit cur neque in ciuium neque Principum
hortis exoticæ plantæ vulgo conspiciantur.

AD stirpium è seminibus generationem quod attinet,
difficultas nulla erit, modò quis diligentiam adhibeat: sed
illud primariū, ut eas iam enatas & adhuc teneras con-
seruare sciamus. Nam per summos æstatis ardores sine
aqua viuere nequeunt; quemadmodum nec hiemis iniu-
rias ferunt, nisi aduersus frigora muniantur, & recon-
dantur. Sed & ipsos Romanos in hortis suis Myrtos ad-
uersus frigora munire oportuit: ait enim Poëta:

Dum teneras defendo à frigore Myrtos.

Quod si id Romano agro fieri debuit, loco illis com-
modo; quid non facere debebunt nostro agro? Nonnullor-
um diligentia punice mali, aureæ, & limonum, semine
nata succreuerunt & fructus tulerunt etiam in frigi-
dis Rhetia & Heluetiorum regionibus; ut ex iis constet
quæ Tiguri conspiciuntur. Atque hoc loco id dictum sit
in quorūdam Principum virorum gratiam, quibus, licet
exoticarum plantarum semina dentur, eorum tamen
hortulani vix tantum oculi sibi sumunt ut ea terræ com-
mittant; tantum abest ut enata hieme conseruent & re-
condant. Hinc fit ut nihil singulare conspici possit, nisi
apud eos qui suos hortulanos ad diligentiam compellunt.
Nam nisi ipsimet domini voluptate ex iis afficiantur, &
diligentiam adhibeant, multo minus ipsorum hortulani
vel æconomi ea curabunt. Cū igitur hoc scripto dunta-
xat instituta sit exhortatio ad siluestrium arborum cicu-
rationem: (nam seminaria parandi ratio in tractatu de
Agricultura, ubi etiam de fimi & cinerum generibus,
& areis, expresse docebitur) non de Canella, Garyophyl-
lis, Moschata nuce, Pipere, & aliis similibus Aromati-
bus, in siluestribus arboribus peregrinis nascentibus, neq;
de Melegueta differente à Cardamomo agere constitui-

C 2

mus:

mus: alio etenim loco, ut iam dictum est, id fiet. Itaq. ad tam varia demonstranda, nullos alios sumtus faciendos Regi proposuimus, nisi ut, quandoquidem ipsius Maiestas mandatum dederat ut aliquod beneficium in me conferretur, tametsi nihil adhuc me effecturum pollicitus essem; ipsius nunc voluntas esset, precipere ut beneficio illo tum donato frui possem; me rationem demonstraturum educandi singulis annis multa arborum genera, quæ neque in Franciæ agro, neque in cuiusquam Principis hortis in hoc regno unquam conspecta fuere: atq. sic perseverando, nullam difficultatem obstaculo fore, quo minùs ubiq. vulgaria fierent, non ad duodenariû aut centenarium millenariûve numerum, sed ad decies centena millia. An quisquam sine admiratione audire poterit, hanc disquisitionem nunquam ab iis fuisse æstimatam à quibus omnem favorem obtinere promerebatur? Quid hoc? Nempe, non modò scripta cõmentaria vobis adferre, edocentia quænam sint stirpes quarum Theophrastus meminit; sed ut illis frui possitis efficere, vobis eas quas recenset exhibendo. Si igitur Traupalum, Lacaram, Apharcam, Oeleagnum, Celastrum, Andrachnen, Cercin, Thuiam, Phylirã, Halyphleon, Crategû, Aequum, Oetum, & similes alias arbores ipsius scriptis celebratas haberetis, non eas æstimaretis? Cùm igitur earum descriptio & Gallicæ appellationis expressio æstimanda sit; an non præstantius censebitur communes illas facere his qui expetunt? Quòd si suspicamini id fieri non posse, minùs dociles estis quàm doctissimus Theophrastus, qui non modò credidit, sed etiam scriptis tradidit, nonnullas arbores iam casas, & dolatas, postea reniruisse & renixisse.

P R O-

PROBLEMA XI.

Exempla diligentum Agricolarum, quibus probatur, quod
virens supra terram conspicitur, quodque nouo
vere transplantatur, id omne vel locis in-
cultis vel domesticis semi-
ne natum esse.

SED unde quidquid nunc supra terram viget, or-
tum habere credendum est, quàm ex semine? quasi verò
Tiliae, Corni, Mali, Pyri, & similium arborum genera;
item fruticum, herbarum, & cetera quae nouo vere in vr-
bibus publico fero venduntur; è nucleis, granis, & semini-
bus, vel ramis terrae infixis non succrenissent. At cogitare
quis possit, ista duntaxat locum habere, cum homines ocio
abundant, pacis fruentur, non autem belli tempore: ac
si nonnullae res pacis deliciis congruerent, aliae rebus belli-
cis necessariae essent: attamen qualiscunque tandem sit
cultura, utroque tempore necessaria est: nam ipsimet bel-
latores, siue hibernent, siue in expeditionem profiscan-
tur, aut inde redeant, ad culturam concedere solent; quem-
admodum etiam Machiauellus suas de bello disceptatio-
nes hinc auspicatus est. Neque Caesar, neque eius maio-
res, neque eius posterum, unquam commeatus copia abun-
darunt, aut eius penuria laborarunt, quàm ex ipsa.
Nam quis unquam de pecuniarum inopia conquērentes
auduit, quemadmodum nunc fit? Res frumentaria, hoc
est, annona, illorum consilia aut promouebat aut remora-
batur pro ipsius abundantiae ratione. Cum igitur tellus
vestro auxilio fecundior reddi possit, & vobis utilitatis
decimas referre: illius causa nulli rei parcere debetis, ut
illa vestri commodi causa non defatigetur. Eius rei com-
probationem audite. Cum Rex p.m. bonarum litterarum
alumnus Rupella reuerteretur, contigit ut prudens qui-
dam Antistes ipsius aulicus apud rusticum in itinere di-
nerteret, quem per vniuersam viciniam fama erat Man-
C 3 dragoram

dragoram alere, cuius beneficio prædiues euasisset. Hic
 Antistes vir æquus & grauis id intelligens, an id verum
 esset exquirere voluit. Itaque euocato in secretiorem lo-
 cum suo hospite, illum orauit, ut nisi molestum esset, & si
 fieri posset, Mandragoram quæ ipsum opulentum reddi-
 disse, illi ostenderet: tum ille; Falsa sunt, mi domine,
 quæ de me memorantur: nam nullam aliam Mandra-
 goram habeo, præter eam quam nunc audies. Viginti sunt
 anni quod in hanc prouinciam concesserim: cum verò
 multa opera ad agrorum culturam essent necessaria,
 nunquam seruus vel ancilla, filius vel filia, post me cu-
 bitum iit, atque primus semper cubitu surrexi: eaque
 ratione mea iumenta, atque ipsa cultura pro mea dili-
 gentia vberiora sunt reddita. Idem Romæ accidit misero
 cuidam mancipio libertatem iam adepti, quod breui
 tempore diues effectum est, sed non sine vicinorum inui-
 dia; qui cum ipsius segetes vberiores suis conspicerent,
 eas in suos agros veneficiis pellicere arbitrabantur, eaque
 de causa Romam coram Senatu conuocatus est. At
 illi de hac re perturbato & admodum sollicito, tandem
 in mentem venit, ut aratrum, plaustraque & boues, bi-
 palia, bidentisque, & reliqua rustica instrumenta in
 forum Romanum veheret, atque se istic iudicio sisteret.
 Cui Iudex; Adesdum; quid ad hæc respondes quæ tibi
 obiiciuntur, nempe vicinorum segetes in tuum agrum ve-
 neficiis pellexisse? Domine, inquit, en mea veneficia. Iu-
 dices verò ipsius aratra, vomeres, & plaustra maiora
 ponderosioraque vulgaribus conspicientes: deinde ipsius
 boues pingues, & firmo corpore, bipalia, sarcula, rutra,
 palas, ferras, falces, secures, rastra, ventilabra, & reli-
 qua rustica instrumenta adeò solida & affabre facta:
 tum etiam nervosos filiorum filiarumque ipsius, atque
 uxoris lacertos, omnesque vegeto esse corpore, & integris
 vestibus, non modo eum absoluerunt, sed obiurgatis ipsius
 accu-

accusatoribus dixerunt, si singuli eandem diligentiam in colendis suis agris adhibuissent quam ille, futurum ut perinde diuites essent. Sed hæc forsitan extra propositum: demonstrare tamen volumus, diligentiam nunquam frustraneam esse, diligentemq; virum nunquam ad egestatem redigi. Si igitur hoc institutum, a quo hic libellus appellationem desumpsit, haud difficile factum est; quid oberit quo minus Regia magnificentia favore & patrocinio dignum sit? Nam à nemine adhuc propositum est hoc negotium, neque quisquam id suscipere passet, etiamsi millies maiores sumtus faceret quam quos expetimus. Considerate ergo quanti æstimemus beneficium nondum impetratum, dum id tanti redimere volumus. Et tamen si vili comparant alij, qui nunquam rationes habuerunt, neque habebant (minus videlicet extincti quam vini) Reip. consulendi, non admodum solliciti sumus, & constantes in nostro instituto perseveramus. Plurimi audientes nostram pollicitationem, impossibilem eam æstimabunt: atque si de ea sinistrè loquuntur, non flocci facimus. Nam huius operis institutio, in vnius anni spacium non est, sed in temporis longitudinem; non in privati alicuius, sed in totius orbis gratiam. Animaduertendum est præterea, id quod à nobis nunc non præstabitur, aliàs præstari posse aut ab alio successore. Necessario tamen initium semel faciendum est, si rem confectam videre volumus. Et ut demonstremus nos in medium nihil prolaturos, quod iam non sit experimentis comprobatum, nonnulla huius Regni loca atque alia externa indicabimus, quæ possibilitatem demonstrabunt. Nam quantum ad eam quæ accusari posset negligentiam, hac ratione facile elui poterit: bellum scilicet impedire quominus mandatum fiat, ut opera ad eam rem designentur; & licet nunc etiam hanc rem proponamus, inquirendum tamen an aliquo futura sit in præcia Nos

sanè facile excusabimur, qui nihil acceperimus, ut in ea sumtus faceremus: propterea nulla obligatione obstringimur. Et tamen facile nunc & deinceps probari poterit, non maiorem esse difficultatem promissa præstandi, quàm hortulano, spinacia & brassicas colendi. Etenim has disceptationes facili methodo describere constituimus, ut etiam exteri commodum inde percipere possint.

PROBLEMA XII.

Appellationum cùm siluestrium tum urbanarum arborum secundum earum altitudinem & magnitudinem enumeratio.

LICET ex professo arborum magnitudo annotanda esset, id tamen sine exceptione non fieret. Exempli gratia, Theophrasto Celtis, quam Latini Lotum, Galli Fregalier vocant, Pyri est magnitudine. Sed qui Pyros in arvis sponte nascentes, cum iis quæ recens in hortis insitæ sunt comparabit, præaltas eas inueniet. Subsequentes tamen in ingentem altitudinem excrescunt: Larices Gallis Meleses nuncupatæ, Abietes Sapins dictæ, Sapini Suiffes, Platanus Asiatica arbor, Aceres Gallicæ Plasnes, Boumelia Fresnes champestres dictæ, Cerrus, Drulle, Quercus, Ilices, Aria, Alni, Merishiers, Tilia, mares & femina, ex quarum cortice funes sunt, Cedri maiores, Asiatica Sabina, & Taurimontis magna Iniperi, quæ fructu nucibus non minore præditæ sunt, Salices, Taxi, Castanea, Fagi, Betula, Pala, sine Indica ficus, Milaces, Cerri, Cerrosonuari, Sorbus aucuparia, Sorbus torminalis, Sorbus, Palma, Ingians, Ulmus, Populus nigra, alba, & Alpina, Picea, Piceastri, & Pinastri, quos Rheti Gembro appellant, Corni, Cassie, & Cupressi. Aliarum verò arborum nonnulla minores sunt, tametsi etiam iniustam magnitudinem adolescant, quales sunt; Acer crispa materia, & vulgaris acer, Zizyphe, Sycomorus Egyptiaca, & Sycomorus Italica, alias

alias Perlaro appellata. Comarus suapte natura pusilla est, sed ramis expurgata in magnam altitudinem assurgit, quemadmodum etiam Malus punica. Idem faciunt Sanguinea virga alba, & nigra, quas alibi Ligustra vocant. Alaterni, & Sanguinea virga rubra, mediocres semper inueniuntur. Morus alba & nigra vetustate magnae fiunt arbores. Sic etiam Pyri, Pruni, Persica, Armeniaca & Praecoque mali, Napeca, Olea, Messilus, & Cotonea, Siliqua, nonnullis locis mediocres sunt, sed aliis magnae fiunt arbores. Sed & Lantana, à Lantagine differens, & Zizypha, Oleaster, Ficus, Laurocerasus, Spina nigra, Spina ceruina, Spina police, Berberis vulgaris, Spina alba, grossularia, & Spina gatZina, & Fraxini montani Orni nuncupati, Aclades, Aquifolia, Laburnum, Staphylodendri, Tamarindi, Myrobalani, & quas Galenus Chrysobalanos vocat, Glans unguentaria & Acacia Arabica mediocres sunt. Rhododendri nonnullis Creta insula locis, ad adicularum trabes conficiendas apte, quae alibi paruae sunt: istic etiam Ricini adeo ingentes nascuntur, ut scalis admotis conscendi debeant. Coccus baphica non altè excrescit, neque acidus ille frutex, qui vulgo Ribes appellatur. Balsami arbor etiam parua est. Sefeli Aethiopicum frutex, quod Narbonensis Provincia Cachebugade appellat, semper viret, sponte nascens quibusdam locis apud Orgon & Saloneni petream. Pyrus ceruina, Rosmarinus, Messilus aronea, Nuciprunus, Le Guerois & Imbriagosa Antonensis agro Genuensi, paruae sunt arbores. Sebesten, Punica, Corni, Buxi, Styraces, Sambuci, Coryli, Lauri, Persica tam duracine quam aliae, Praecoces, Tinus, Cedri Phoenicie, Oxycedri, Sabina, Phylice, Andrachnes, & Viticos; vetustate attolluntur. Anagyris non assurgit, quemadmodum nec Paliurus, nec Rhamnus, nec Halimus, & Iouis barba species, quam Georgius Agricola Diospy-

non esse censēbat, quāq; Heluētij Faulepauum nomināt.
 Eleagnus lacus Orcomenij à Theophrasto descriptus,
 ex quo defectu Lupuli fit acrior Cereuisia, nomen apud
 Gallos inuenit Pimente. Cuius notitiam acceptam refer-
 re debemus Valerio Cordo p.m. Germano Erfordienti, in
 hoc studio exercitatissimo, perhumano & modesto, qui pro
 sua singulari beneuolentia (quæ omnibus Germanis vul-
 gariter innata est) cū in Pomerania tū in Saxonia no-
 bis eum ostendit, quod manifestum indicium est, sepe in-
 ueniri in extremo Septentrione nascentes plantas, quæ sub
 ipsa meridie obseruata fuere. Rosa Moschata cū silue-
 stres tum domestica, rubra, alba, & virides, Myrti, Co-
 lutea, Aurea mali, Poma Adami, Limones, Citria,
 Tamarices, Genista, varij generis, Tamarindi, Lētisci,
 Aspalathus, Ceruiprunus, Machalep, Tichymalus
 dendroides, Arbor Iuda, nuncupata Fabago aut Sili-
 quastrum, Sfoiarolus, Erica & Phana. Salices, Alni, &
 Populi inter celsas sunt recēsitæ: nam quæ pumila conspi-
 ciuntur, præter naturam tales sunt. Considerate ulmos
 Vicentino agro, quæ scālas quodammodo referunt in ma-
 gnā usque altitudinem: nam ita à rusticis ductæ sunt,
 ut vites illis maritate ad summum usque conscen-
 dant, & in singulis earum gradibus ramos earum ceden-
 tes, messē & vindemiam in aëre faciant. Nonnulla ad
 agros claudendos & sepiendos apta sunt, quarum aliqua
 spinose, aliæ minimè. Halimus agro Hierosolymitano, &
 in Creta insula, Tamarices in Egypto, Squēdano agro
 Patavino ad sepes faciendas idoneæ, tametsi spinosæ non
 sint. Nam quod hic sepes ex Spina infectoria, Oxyacan-
 tha, Pruno silvestri siue spino, & Berberi conficiunt: in
 Prouincia verò Rhamno, in Thuscia Spina Guatzina,
 & alibi Rubo; id fit quod singulæ regiones iis utantur
 quæ peculiare illis sunt. In earum albo recēseri possent,
 inter frutices legitimū Thymum, quod vtrique La-
 uendula

uendula non minus altè assurgit, Thymbra à Satureia differens. Arbuscula est Chamepence, quam Lolmo incolæ agro Bergomensis & Chiauennenses cis montem Scalam Schiusernain appellant. Thymelææ & Chamelææ frutices semper virent. Hallucinati sunt qui Semperuium agnoscere arbitrati sunt: nam arbuscula est, uti & Polemonia. Quadā sine adminiculo subsistere nequeunt, quemadmodum Anabasis, Cardamomum, hederæ, Rubus, Smilax aspera & leuis, Lupus salictarius, Amomum, Viburnum Ruellij, & Vitis. Pleræque aliæ suum etiam locum hic obtinere possent: sed de iis in Agricultura dicemus, quemadmodum & de Leguminibus (quibus Galli nullum adhuc nomen imponere norunt, sed sub ole-ribus comprehendunt) & de tritici generibus: pro quibus variæ colendi terram rationes inuenta, & diuersa aratra cum suis vomeribus excogitata sunt. Vos Galli, qui in hoc scriptū incidetis, quicq̃ superatis Alpibus in Italiam peruenistis, si quis vos percontetur quare apud Heluetios & Rhetos vixeritis, respondebitis panem & vinum. Sed quo panem? ex frumento optimo confecto dicetis, quandoquidem illum bonum, candidum, sapidum & bene elaboratum deprehenderitis: & tamen fallimini. An igitur non pudet ignorare quo vescimini? nam istic frumentaceum nunquam edistis, imò ne frumentum quidem istic feritur. Deinde si illorum molas ingressi essetis, lapides conspexissetis deglumande speltæ idoneos antequam molatur. Sed molares lapides, mola & earum rotæ suum locum post arbores obtinebunt; tum etiam farinæ; inter quas illud magis mirum est, bonum panem è castanearum farina, nostri vulgaris in modum, parari, quo Genuensius littoris incola melioris defectu vescuntur.

PRO-

PROBLEMA XIII.

Siluestrum arborum quas ali & cicutari posse
demonstratum est, nomina.

NE vero celemus ea qua nos experti proposuimus; en vobis exemplum, quale à Reuerendissimo & Illustrissimo Prasule Cardinale Lotharingia, pro sua clementia & insigni humanitate, coram Rege è scheda quadam pronunciatum fuit.

Domine, licet ab eo tempore quo V. Maiestati concedere placuit, vt qui insignia aliqua beneficia ab ipsa acciperent, etiam curarent, Petrus Bellonius Cenomanus sexcentas libras in pensionem annuam obtineret; plurimi tamen in quos postea beneficia collata fuere, eius decreti nullam rationem habuere. At ille non ignorans beneficia non conferri in viros inutiles, rationes perquisiuit quibus V. Maiestati seruitium aliquod prestare posset: ea autem sunt, quod varij generis arborum semina congerere queat, qua neque in vestris, neque in cuiuspiam alterius hortis, aut totius Gallie siluis vnquam conspecta sunt. Et cum ille confidat, se ea recentia & magna quantitate nancisci posse, quali numero, qualiq; loco V. Maiestati placebit, illa serere & colere spondet. Itaque V. Maiestas non grauetur precipere Secretariis vestri fisci, vt sine vlla exceptione vestrum mandatum exequantur, secundum eas schedas quas pro singulari vestra benignitate propria manu subsignatas illi dare placuit: vt cum occasio sese offeret, eo beneficio frui possit quod in illum collatum fuit, & de ea re litteras vbi necesse erit, illi expediant: & spondet rationes se subministraturum, vt nascentur V. Maiestati arbores quarum nomina subsequuntur:

Siliqua, Gallis Caroubiers dicta.

Suberes, Gallis Liege nuncupata.

Coccifera ilices, qua insectorium coccum ferunt, Gallis
Arbres

Arbres de Vermillon & qui portent l'escarlate.

Ilices, Gallis *Chefnes* verds & *Eoufes*.

Cerrofouuari, arbores glandifera in *Tuscia*.

Macalep Arabicum, *Cerasi siluestris* genus.

Loti, Gallis *Fregoliers* vel *Micacouliers*.

Arbuti, *Arbousiers*.

Zizypha phoenicea & *alba*.

Aceres crispæ quas *Theophrastus* *Sphendamnus* appellat.

Carpini ab *ostriis* differentes.

Arbores judæ, quas *Græci* vulgò *Coucouchias* nuncupant, unde *Fabagine* & *Siliquastra* dictæ.

Gimber Rhatôrum, *Aleues Gallorum*.

Larices, Gallis *Meleses*.

Alaterni, Gallis *Daladers*, aliàs *Sanguins blancs*.

Tini siue *Lauri inodora*, *Italis* *Lantagini*.

Platani vera.

Rhamni, frutices spinosi.

Laburnum, *Aubours*.

Rhododendri, siue *Rhododaphnes*.

Piceæ & *Piceastri*, *Pini siluestris* genera inter se differentia, & à *Pinastro* diuersa.

Perlari in *Italia* *Vulgares*, quas falso nomine *Sycomoros* nuncupant. Eæ sunt quas *Sycomoros Italicæ* appellamus. Nam *cis-marinis* oris nulla legitima *Sycomorus* nascitur.

Anagyrides.

Oxycedri, Gallis *Cades*.

Phœnicæ cedri, *Serbins*.

Staphylodendri, Gallis *Nez-coupez*.

Vitices.

Terebinthi.

Rhus veterum.

Milaci aut *Acilaci*, *Ilicis* species.

Phyli-

Phylica, arbores perpetuo virentes, *Italica* *Salvestrille*.
Ornitelli, *fraxini montana* species.
Suiffes, arbores *Abietibus* similes.

Ad cuius rei experientiam demonstrandā, sua Ma-
 iestas expensas in binos viros ad negotium illud perfi-
 ciendum aptos nobis concessit, quos conquirendorum se-
 minum gratia, in varias regiones, quas illis nominabi-
 mus, ablegaremus, quorum singuli in annuam pensionem
 centum & viginti libras acciperent. Videtis igitur quod
 in sumptus rerum propositarum nihil aliud exspectamus
 quam quod iam dudum nobis concessum fuerat. Quod si dif-
 ficultas suborta, in dubium vocaret, an quæ propositæ
 sunt, nostrum calum & solum ferre possint; iam nonnullas
 quibusdam locis adoleuisse, eorum diligentia qui illas se-
 mine cōseuerunt, ordine deducemus. Siliquam enim cer-
 tum est, apud Cenomanorum urbem horto Tontvoie
 crescere, eiusq; magnas istic etiam nū conspici arbores. Ea
 est quam Siliquam Ægyptiam nominare oportet, non
 autem Tamarindos: quas Ægypti paucas, nec eas nisi
 in hortis pro re quapiam singulari alunt, quemadmo-
 dum nos Aureas malos. Huius Siliquæ, quæ inter eas
 quæ propositæ sunt primum obtinet locum, fructus à
 Græcis *καράτιον* appellatur, cuius semen sex grana pen-
 dens nomen dedit ponderi illi auri quod Karat dicitur.
 Non minorem censum adfert Genuensis, Saonensis atq.
 Villafrancæ agri incolis, quam Inglandes per plana Gal-
 liæ. In montium declinibus atque radicibus petroso loco
 nasci gaudent, marisq; littoribus, atque etiam in medi-
 terraneis, tanta abundantia magnas siliquas, quæ eius
 fructus sunt, proferentes, ut in hordei, fœni, & auenæ pe-
 nuria, asinos, mulos, & equos illis alant. Sed dum eas
 mandunt, semina in præsepis remanent, quæ nisi à nobis
 admoniti, colligere non consueuerant. Inde fit ut difficile
 non sit futurum, Siliquæ semina nancisci; quandoquidem
 certi

certi sumus nonnullos eius regionis incolas plus quàm viginti eorum libras in singulos coronatos daturus. Suberis, Milacis, & Illicum glandes sola vectura expensa (quæ levis est) constabunt; ut testimonio esse possunt quas Bayona adferri iussimus. Sed nunc sanè in siluis haudquaquam conspicerentur multis huius Regni locis, quemadmodum in Sable Andegauensi agro, & apud Cenomanos, nisi nostri maiores aliunde glandes quas istic confererent, adferri iussissent. Eadem ratione adoluerunt quæ in Moulins horto, Borbonensi ducatu conspiciuntur. Cerrosouari proximè nos impulerunt ut Tusciam peragraremus, earum conspiciendarum causa; istic enim frequentes sunt, effeceruntq; ut ardente bello, per media hostium præsidia transiremus, dum eius glandes quæreremus: nam Ducis Florentini favore freti, cum animaduertissemus in ipsius hortis cum aliis arboribus non inueniri, Senensibus, & Capraye incolis persuasimus, ab ipsius Illustrissima Excellentia missos, ut tenellos eius frutices erueremus, eosque deferremus in Portum Herculis, ut inde mari Pisas transueherentur in simplicium hortum. Sperabamus tamen (si fortè capti fuissimus) leuius nos tractandos à Principis ad literas promouendas adeò studiosi ministris, quàm à Theonis Villa militibus, qui proficiscentes in Metensem urbem nos ceperunt; quibus nos oportuit maiorem redemptionem persolvere quàm plerique opulenti: cuius rei testimonium præbere posset Vannensis Episcopus, qui diu Regis in Belgica legatus fuit; is enim me præsentem suo fratri Domino de L'Aubespine dixit, Episcopum Atrebatensem illi retulisse, me sine redemptione dimittendum fuisse, si tam longo tempore captum rescuisset. Hoc igitur loco illi gratias ago, & nobili cuidam Viro Dn. de Hammes nuncupato, qui in scientia mei Ronsardi gratiam liberaliter persoluit reliquam quæ pro mea redemptione numeranda supererat pecu-

48 DE NEGLECTA CVLTVRA STIRP.
pecuniam. Conſpecto igitur ſine magna difficultate Cerroſonuario in Senefium maritimis, & eius glandibus collectis, diuertentes ab itinere quod ad Portum Herculis ducebat, & verſus Groſſeto & Caſanouola redeuntes, Romam uſque illas pertulimus, atque Reuerendiſſimo Illuſtriſſimoque Cardinali Bellaio obtulimus. Videte igitur quàm nullo negotio nullisque ſumptibus Cerroſonuari glandes haberi poſſint, vel Montalsini, vel Groſſeto itinere, cùm certum ſit, ſingulis ſerè hebdomadis naues ex portu qui ad oſtia fluminis Ambrone eſt, ſoluere, quæ in Prouinciam uſque transfretent. Nōne conſpicimus craſſiores illas caſtaneas Marrons Gallis dictas, in Belgicam, Hyberniam, Angliam, Scotiam & Daniam uſq. tranſuehi, & iſtic naſci ſi ſerantur? Non minus facile ergo comparari poſſent ſupradictarum omnium glandium genera, ſi quis hanc prouinciam in ſe ſuſciperet, imò & Platiphylli glandes, cuius circa Troie ruinas & in Lemno tanta eſt copia.

Arboris Macalep appellatio confirmatur ex eius ſeminibus quæ in Aromatariorum officinis venalia habentur, quibus nonnulli ad abluendas chirotecas quas odoribus imbuere volunt, utuntur. Nomen eſt ex Anicenna deſumptum, quod etiam eiſdem arboris ſemini Galli tribuunt; horum ſeminum ſuis nucleis exemptorum ſelectorumque pondo vili admodum emi deprehendet, qui ea in Aromatariorum officinis perquiret. Si igitur ipſorum ſeminum ſuis putaminibus exemptorum vile eſt precium, viliores adhuc erunt nuclei. Multæ regiones inueniuntur ubi ſepes ex ea conſciuntur, quemadmodum Urbinate ducatu & Sabaudia, ubi Putie nuncupatur.

Loti ſexto loco propoſita, quam Galli fregoliers appellant, fructus adeò facile adquiri poteſt, ut eo iumenta onuſta habere poſſimus ex vicinis Turnone locis, ubi frequentiſſima naſcitur, pro ſolo vecturæ precio. Huius vaſtæ
conſpi-

Conspiciuntur arbores ad Zucka Venetorum, quas Bagolaro nominant. Bina etiam huius magnae arbores ad fontem Salonis petreae, extra portam nascuntur, memorabiles ob vetustatem & celsitudinem, iis fortasse similes quas Plinius tantopere commendat, de Romanorum diuitiis agens.

Præcipi etiam posset, ut vnedones exsiccarentur in Viuaresium ducatu & ad S. Spiritus urbem, variisque aliis locis ad Rhodanum sitis. Si quis verò arbusculas cum suis radicibus erutas deferendas curaret, sine magna difficultate id efficere posset. Experimento autem comprobatum est, facile nostrum clima ferre posse. Elegans enim & præalta in Dn. de la Bourdaisiere horto inter Lauros alitur in prædio quod apud Turones est, adeo Lauris similis (nam perpetuo etiam viret) ut pauci, nisi diligenter obseruet, dignoscere norint. Si igitur is cui cura fuit ut eò transferretur, contempsisset, nullam nunc voluptatem adferret earum ædium incolis.

Ad Zizypha quod attinet, non deerunt qui quinque & viginti eius fructus, nucleorum selectorum libras pro singulis coronatis dent, qui Romanorū more conscripsi possint; nam & illi eos terræ mandare consueuerunt: nostrum autem aërem ferre posse, satis indicat quæ in multis hortis conspiciuntur.

Aceres crispæ in montium superciliis inueniri poterunt diligentia supradictorum hortulanorum suæ Maiestatis, quemadmodum & alia varia arborum genera, quarum nulla hic fit mentio, ut nec Abietum, quarum semina diurno duorum rusticorum labore, tanta quantitate adquiri poterunt, ut arborum centena milia (si quis totidem desideraret) inde nasci possent.

Aleues Pini sunt genus, minus duro sapidioreq; nucleo quàm vulgaris. Rustici in Rhetia eo vescuntur, & quatuor duntaxat assibus Gallicis quadrantal vendunt,

D

itaque

80 DE NEGLECTA CULTURA STIRP.
itaque parua, prater vecturam, in eius fructibus adqui-
rendis faciendae erunt expensae: nos verò dum istac iter
faceremus unico coronato tantam illius quantitatem
emimus, ut ei ferendae vix equus sufficeret. Sed rem ad-
modum vilem esse oportet, quae sua vectura digna non
censetur. Posset etiam viciniore loco inueniri: nam quin-
que aut sex dispositorum equorum à Lugduno stationibus
nullus est rusticus, praesertim apud S. Andream, qui eo non
vescatur, atque in adibus adferret. Memoria autem
repetens suauitatem gustus huius seminis, quo etiā multi
pauperes rustici saturari possent, si nostra Gallia opu-
lentiores nonnulli id rescirent, multoties optavi, atque
etiamnum opto, ut illius plantae per Cretae montes adeò
vulgaris, Polytrica nuncupata Asparagos, iis qui nullis
sumtibus parcunt quo palato seruiant, degustandos prae-
bere possem, ad ipsos instigandos, ut eam in suis hortis na-
sci curarent: nam sat scio, & siluestres & domesticos As-
paragos prae illa contemnerent. Sed en videtis ut multa-
rum rerum census pereat, quoniam eas in vsum perdu-
cere non nouimus.

Larices Ambrunensi territorio & circa Morien-
nam adeò frequentes, nullo sumtu comparari poterunt.
Eius fructus Cupressino minor est, tum ipsa nuce tum
semine, attamen eius integrum plaustrum (si quis id ne-
gotium susciperet) vix asse Gallico constaret. In ea colligi-
tur Manna, & crassior Terebinthina, atque Agaricum:
tanta nunc in Rheticis alpibus eius est frequentia, quàm
vnuquam antea fuerit, atque adeò iisdem locis, vnde Ti-
berius Caesar Romam aduehi iussit, ad Naumachiarium
pontem concrematum restituendum.

Qui ligna vnde ignis apud S. Spiritum urbem strui-
tur, obseruare volet ex proximis siluis delata, nihil fre-
quentius Alaterno inueniet, qui & ad Thermas Roma-
nas & sepibus eas cingentibus frequens est. Lucenses sua
lingua

Plin lib.
16. cap. 39.

lingua Iletro, Marchionatus Maſæ & Genuenſis agræ
atq; Venciæ incolæ, quemadmodum & qui in Valle Ario-
la habitant, Glitro.

Ducis Florentini in Caſtello ſilua & Tino virent, ſuis
ceruleis baccis onuſto; imo Reuerendiſſimi Cardinalis
Bellai hortus eo cinctus eſt.

Vinetum quoddam Romæ adhuc exſtat quod à Pla-
tano nomen deſumſit: nam ex ea reliquæ Platani quæ
Romæ ſunt, ſi verum perhibent, originem ſumſere, quan-
doquidem ramis facile propagatur. Si igitur tantâ au-
thoritatē, qualis memorata eſt, apud Arbores inuenimus,
eam ipſa re nūc demonſtrare hic debemus. Igitur ô Plata-
ne, quæ in Aſiæ vallibus ſponte naſci voluiſti, frigidiorē ſa-
nè aëre quàm noſter eſt; quid oberit quo minus te habere
poſſimus? ſperamus tamen te adeò agreſtem non fore, quin
te frui queamus, tametſi ne milleſimā quidem ſumtum
partem faciamus, quos unicuique Romanus ciuis præſtitit,
quando cis mare aduecta es: nam quandoquidem te nunc
ſemine natam habeamus ad quintum uſque folium, te
hieme conſeruari poſſe conſidimus. Quòd ſi duodenas,
eadem facilitate & millenas habere poterimus.

Vix frutices apud Antipolim & Forolium, totā-
que ſerè Narbonenſi prouincia, Rhamno frequentiores
inueniuntur.

Laburnum, quod Galli Aubours vocant, adeò abun-
dè naſcitur omnibus montibus atque alpibus D. Claudio,
Chambery, & Lauſannæ vicinis, ut ruſtici palis ex eo
conſectis ſuos agros ſepiant, quoniam materies eſt incor-
ruptibilis. Jam in nonnullis hortis vulgare eſt, ſed non
ſine errore Cytisus nuncupatur (aliunde enim Cytifiſe-
men nobis comparauimus:) florem habet cubitalem, fla-
uum, quem apes nunquam attingunt. Ex eius materia
ſiunt arcus nigri, tergore albi.

Rhododendri nunc vulgares ſunt multis Gallie locis,

cuius rei exemplum præbere potest Abbas Valentinus, vir magnæ eruditionis & doctrinæ, qui apud Pictones in suo horto, plurimis raris rebus instructissimo, plurimas alit.

Piceæ in montibus frequentes sunt, & etiam Tarare monte, omnium qui Lutetia Lugdunum proficiscuntur oculis subiectæ.

Piceastrî sunt ij qui strobilos Pinis domesticis minores ferunt, quorum integræ silvæ apud Ramatanelâ Provincie Narbonensis, ubi Chamelæa à Provincialibus Garoupe nuncupatur. Est & alterum Piceastrî genus admodum frequens apud Massiliam, & Aquas Sextias, & apud Gulam, imò integræ sunt eius silvæ in Domini Præsidis Destrets dominio.

Paliuri circa Veronam adeò frequentes sunt, ut vine-tæ & arua iis claudantur & sepiantur. Tusci Marouques nominant.

Oxycedri apud Ourgonē nascuntur, ex quibus oleum fit quod de Cade cognominant. Primum istic albos carbones conspexi, ex Oxycedrorū stipitibus conflatos. Qui Sarfanam Genuensi agro pervenerit, & inde ultra Vencam arcē in Marchionatu Mazano transferit, Oxycedrorum siluulam ingreditur, apud Montignosam castrum Lucensium, non procul à mari, quorum fructus auellanis crassitie non cedunt. Cardanus Cedrorum differentiam non intelligens, libro De rerum varietate, considerare debebat Cedrelatem ab Abiete & Cedro denominationem habere (nam hæc parua Cedrus baccas fert, eam ob causam Baccifera cognominatur, at altera conifera) ut nomē ipsum testatur; siquidem Elate Abietem significat: itaque Cedrelate Gallicè reddi posset Cedre-lapin. Sed ipsius verba impugnabimus in nostra stirpium historia.

Ingrediendi hortū simplicium Pontificis Romæ, Anagyris.

gyris fit obuia, quam D. Scipio Pontificis simplicista in Belvedere, semine natam aluit, & ex illa integram sepem construxit. Sed Venetiis si quis eius semen nancisci cupit, Aromatariorum officinas accedat, & Fabam inuersam petat; nam istuc hoc nomine vocatur, atque e Creta defertur.

Cedrus Phoenicea, Oxycedro, aut Iunipero rubro similis est. Serbin Auenionensibus vocatur: sed Ragusae non sine errore Sabinam esse censent.

Staphylodēdri fructus, Nezcoupez Gallis dicuntur, ex quibus sphaerula precaria fiunt; loco ubi sponte nascuntur, vix vno asse singula librae veneunt.

Vitices ad Rhodani ripas & ostium ubi in mare influit, inueniuntur, cuius etiam semina in officinis venduntur.

Rhus in solitudinibus Montelimar & Auraica vicinis ad Rhodanum crescit, cuius semina in Pharmacopolarum officinis venalia sunt.

Terebinthi semina facile ea quantitate adquiri poterunt, qua cameli onerari queant: nam Halep, Damasci, Antiochie, atque totius Syriae incolae iis cum pane vescuntur: viciniore tamen loco montes sub Turnone ad Rhodanum ea obfiti sunt.

Phylice ad portum Lespetie Soudre vel Sondre nomen obtinent, & agro Romano Saluestrille, cuius tanta est abundantia, ut cum proximè urbs aduersus Hispanos muniretur, fascisculi quibus propugnacula firmiora redderentur confecti, magna ex parte constarent Saluestrille ligno. Nonnulli in Prouincia appellant Pincerfi, & in Rochabruna apud Lespetie Pinceruin.

Ornitelli Italorum Ornus Latinis, pumila fraxinus est, in montibus nascens, quae & opeomelex dicitur, ad vntgaris fraxini, ex qua hasta & venabula fiunt, differentiam, quae Beuxia appellatur.

Perlari Italica sunt arbores, à Loto, quæ Bagolaro dicitur, diuersæ. Alij falso nomine Sycomoros nominant. Vix ullus est agro Ferrariensi qui in suis hortis nō alat: Sed & Venetijs, Bergomi, Verona, & Romæ nonnullis locis inueniuntur.

Suiffes Abietis species est, strobilos proferens deorsum propendentes, cōtrā quā in Abiete, quæ erectos & sursum spectantes habet. Ea arbor frequentissima est circa Tigurum & Bernam. Ea est quæ pro Abiete semina intelligi debet; Montis Aiguebelette pars quæ Chambery spectat, illa etiam onusta est.

PROBLEMA XIIII.

Præcepta iis qui hac cicuratione in campestribus & plaidis vti volent, siue ea sint in insulis, siue in mediterraneis, accommoda.

VIDETIS ergo toto eo scripto quod Regi oblatum fuit, nullum arboris vulgaris nomen contineri, quæ in campestribus nostris siluis nascatur; neque etiam plurimarum aliarum nomina, quas tamen facile nancisci possemus, si necessarium esset: sed neque inserta fuere nomina multarum aliarum quæ nimis difficulter educari possunt, licet magna quantitate variis locis reperiantur; ut Limones, Citria, Poma Adami, Punica, Pistacia, Olea, Lentisci, Cassia, Palma, Pale: non ignorans ista cicurari nō posse, nisi maiore labore. Neque istic fit mentio aliarum multis iam locis vulgariarum, ut sunt Cupressi, Lauri, Aceres latifolij, Sabina. Vt ergo intelligi queat quanam arbores sint nominate, & qua ratione facile erit cuius exiguo sumtu earum originem habere; docebitur, ut qui desideret, non modò libras, sed modios, & culeos plenos, atque, si opus est, integra plaustra habere possit. Si igitur sine difficultate, paruoq; adeo sumtu singulorum generum magnam quantitatem nancisci posse certum est, & omnes in seminariis ali queant, siue ea in ligneis capsis, siue
in si-

in fœtilibus, siue in areolis fiant plana terra, quemadmodum sponte in siluestribus nascuntur; quid oberit quominus promissa præstari queant, si necessarij homines adhibeantur? Sed quis tacere queat, nec obuiat Magnatibus qui possessiones suas in planis & campestribus obtinent, quod maiore industria arbores alere non norint quàm Populi & Salicis perticis terræ infixis? quasi verò Fagi, Ostræ Ulmi, Fraxini, Aceres, Corni, & similes in proximis siluis nascentes, fructus & semina non præberent, quæ facile ali possint? Si verum est tantam esse ligni penuriam & caritatem in insulis, in Scotia, & aliis plerisque regnis, ut fœtido carbone fossilignem struere cogatur, cum tamen agris inutilibus & incultis abundant; hinc discere poterunt qua ratione eos utiles reddant, modò sibi comparare non pigeat quæ illis ostenduntur. Sic etiam vsui erunt ista præcepta L' Armor incolis, ut vicinorū suorum L' Aarguet facultatibus inuari queant. Docebuntur etiam quod non modò per flumina Allier, Rhenum, Rhodanum, Ligerim; sed & per alios amnes, earum arborū, siue Abietum, Fraxinorum, Picearum, siue aliarum semine naues onustas, à rusticis montium accolis comparare possent: ubi rustici Faginam glandem æstate colligunt, ex qua oleum in quotidianum vsum exprimunt; qua glande integra naues onerari & vili precio emi possent.

Nec verò ignoramus, quin soli natura celi nature respondere debeat, pro stirpis natura & ingenio; & eandem esse de plantis & animalibus rationem: nam exempli gratia, nulli cameli, nulli bubali, in his regionibus viuere conspiciuntur, qui tamē in aliis admodum sunt vulgares. At hic nō reperiuntur, quoniam harum regionum incolis non sunt in vsu. Aristoteles scripsit asinos in Gallia propter frigora non viuere, eos tamen Gallicum aerem probè ferre constat. Sic etiam planta quæ colenda venit,

utriusque parriceps esse debet, nempe iis locis ubi sponte nascitur. At hic dum de earum cultura sermonem instituimus, docemus qua ratione cogenda, ut nostra voluntati obsequentes sint, atque illas conservando, & molliter fovendo, voluptatem & utilitatem ab ipsis accipiamus, ut alias in Agricultura pluribus demonstrabimus, secernentes eas quae ramis pangi possunt, hiememque ferunt, ab his quae frigoris iniuriam fugiunt, atque earum inferendi & adulterandi rationes edocentes. Itaque hoc loco minime constituimus disceptare de soli natura, plantarumve causis, aut ipsarum & celi temperamento, quemadmodum nec de earum abundantia & defectu, sterilitate & fecunditate, neque ad quem usum sint aptae. Hic addi posset, diligentem hortulanum eniti, ut singularia quaedam opera ex plantis conficiat, utque res parvi momenti admodum insignis appareat. Conspiciuntur in Anglia pergulae ex ligustro tam affabre factae, ut ex ligno ab insigni artifice confectae videantur, sub quibus areae ad globorum ludos sunt. Romae sunt horti, ubi ex eadem planta, & animalia & iriemes tam industrie effictae sunt (praesertim in horto nobilis Equitis Romani Domini Stephani Bouphalo) ut & remi & malus, & gubernaculum & vela dignosci queant: similia etiam ex Myrto; cuius ramus ita ducuntur, ut eius rei similitudinem quam exprimere volunt, referant; veluti hominis equo insidentis, & hastam manu tenentis. Quisnam, obsecro, in his regionibus adhuc conspexit parietes hedera, lauris, punica malo, ligustro, & similibus quae nunc non succurrunt, ita reectos, ut aulaeis ornati videantur? aut caueam hedera reecta in medio horto, qualis est Patavii Cardinalis Bembi? Quis igitur nostros homines prohibeat, quando in suis hortis deambulacra instituunt, quo minus ea integant hedera, ut Itali eas autem sepes intelligo quae deambulacra utrinque claudant, quas Itali Spaliere, Galli Acoudouars, aut

Espaul-

Espaullieres vocāt. Sed hæc exigua sunt præ iis quæ antiquitus Romæ fieri solebant: nam quis unquam aues, animalia, atque elegantes picturas Cupressi arbusculis imitari tentauit, ut veteres Romani? Cur autem? quoniam non experimur. Genuenses nunquam edificant, quin foramina in muris relinquunt, ad capparum non spinosarum radices excipiendas, ex quibus magnū quæstum faciunt. Sed hæc omnia præter institutum, de quibus in Agricultura. Attamen ne quis fallatur, non ignoramus quasdam arbores, frutices, & herbas ea quantitate minimè inueniri ut iis uti possimus, nisi siluestres propter loci commoditatem ubi facilius proueniunt quàm urbana quouis loco: nec etiam ignoramus, solum quod coli potest, illi præstare quod ad pastionem negligentia quadam relinquitur. Sed in campestribus & planis alia est ratio: nam quæ loca deserta relinquuntur ad animalium pastionem, nihil aliud alere possunt quàm quod natura soli illis concedit, nisi seminario inuaretur. In his verò rebus magna est plebis difficultas, cum & in urbibus, lætis, pro ratione pagorum unde adfertur, fiat delectus: quasi autem dimidij miliaris à pago ad pagum distantia, lac melius aut deterius redderet; tanti momenti est etiam in rebus minimis credulitas. Inde accidit ut quedam loca, lacte carentia ἀγάλακτα nuncupentur. Nam licet Cato pastionis censum agriculturæ censui prætulerit; credibile est, cum loqui de iis locis ubi tanta est soli abundantia, ut coli nequeat, vel propter incolarum desidiam, aut loci incommoditatem & naturam, quæ adeo siluestris est, ut ea quæ sua sponte proferre gaudet, prouenire permitrendum sit, atque omnis eius cura abiicienda. Conspicite etiam nunc Anglos apud Rhetos negotiantes, & in eorum montibus, Taxi & Laburni arbores cadentes, quas certa longitudine in assulas findentes in suorum arcuum usum, in fasciculos deinde colligunt, atque lacu Valsta-

D 5

tensi

tersi cymbis ad Rhenum vsque deuehant, & deinde secundo Rheno descendentes in Angliam vsque deportat, ubi arcus demum conficiunt. Cur igitur earum arborum semina non haberent, si ea secum deferre constituis-
sent? Guaiacum & Brasilianum lignum, aliaque similia, peregrinis & procul dissitis regionibus delata, magni & quotidiani usus, istic sponte & sine cultura nascuntur: sed arbores supra propositæ, & quarum enutritio facilis promissa est, commodius postea declarabuntur: quod ex professo dictum est, ne id secretum silentio obtegeremus: nam quemadmodum iã eius rei experientia facta est, videlicet ut seminariis arbores propagentur & alantur: sic etiam facilitas earum semina acquirendi postea probabitur.

PROBLEMA XV.

Ignorantiam & negligentiam Colonom nostri temporis, argui ex scientia & diligentia veterum Agricolarum.

Huius negotij caput est, ne expensarum faciendarum rationem doceamus, sed potius quo pacto utilitas, quæ primarius scopus est, percipi possit. Earum rerum, quæ locis ubi siluæ ceduntur, etiamnum obseruatur experientia, testimonij instar esse poterit, & tanquam sufficientem omnibusq; rusticis iam perspectam probationem suppeditabit; nempe quod semper arborem aliquam tanquam matrem illasam relinquunt, quæ semina suggerat, e quibus similes his quæ casæ sunt arbores emergant. Vizio autem minimè dari potest quibusdã qui arbores prorsus eruunt, ad sementem eodem loco faciendam: nam id fieri intelligendum est, ubi siluæ abundant, aut nimie sunt: nec ea ratione improbat lex quæ iubet nullas arbores cedi, quin prius alia istic educata sint. Ex nonnullorum recentiorum scriptis quispiã existimare posset, omnia adeò nunc plana & elucidata esse, ut maiores nostros longo intervallo superemus, præsertim in agricultura. Sed demon-

demonstrabimus (licet præter huius instituti rationem) nos præ illis admodum crassos rudesq; colonos esse. Exstāt in Prouinciis edicta publica, vt iuxta vias regias Vlmī plantentur. Leges quidem sunt auctoritate præditæ, sed in agricultura non magni vsus: nam longè præstaret rusticos edocere rationem eas educandi. Quid aliud id sibi vult, quàm, vt vulgari prouerbio Gallico dici solet, 'Diuinum Petrum detegere, vt tegatur Diuus Paulus? hoc est, arborem è loco ubi sponte nata est, & ubi optimè adoleuisset, eximere, & in alium locum ad cicurandū transferre, vt istic pereat? Exstat insignis Latina inscriptio supra fontem in Vineto quodam Romano magnifica pollicens, nempe hortum instructum esse plurimis varij generis arboribus: attamen nihil istic conspicitur quā vulgata per eam regionem instruendorum hortorum ratio. Perinde faciunt qui templa spoliant ad prædium aliquod rusticum exornandum, ac recentiores quidam interpolatores, qui maiorum suorum centonibus sese amicientes, tandem inopia deficiunt. At venerandi antiqui longè aliter: nam eam constantiam & diligentiam in agricultura præstabant, quam nostri vix imitari queant. Audite quid dicat Plinius: Vlmorum, prius quam folio vestiantur, samāra (ea est Vlmī semen) colligenda est circa Martias Calendas, cū flauescere incipit. Deinde biduo in vmbra siccata, ferenda, densa in refracto, terra minutatim super cribrata, crassitudine quæ in Cupressis: pluuiæ si non adiuuent, riganda. Disserendæ ex arearum venis post annum in vlmāria, interuallo pedali in vnamquamque partem. Sed parum est Vlmorum ferendi rationem docere. Audite quæ idem de Populis dicat: Populis, inquit, eadem ratio semine, qua Vlmos ferendi; transferendi quoque è seminariis eadem & siluis. Sed an non nostri ridēdi occasionem præbuissemus, cū docemus rationem Alnorum, Vlmorum,

Plin. lib.
17. cap. 11
Sed diligentius
adhuc
Columella
lib. 5.
cap. 6.
Pollicari
scilicet,
aut vt
Columella,
duorum
digitorū.
Eodem
cap.

rum, Populorum & Salicum seminaria faciendi, nisi probassemus veterum nostrorum Doctorum esse inuentum? Quae facilius certiorem comparatio eius rei quae proposita est in ulmi aliarumque arborum seminariis conficiendis inueniri potuisset, quam eius experimento qui gloriatur se prolem prestare posse ut habeat, qui alioqui sterilis sit? An non ad eam rem necessaria erit loci preparatio ad excipiendum semen & obstacula tollenda? Si quis adeo impatiens est, ut nullam moram ferre possit: tamen etiam inuito ferenda erit, cum non sit ignotum id quod primo anno absolui nequit, subsequente posse, ut ex iis liquet qui multa animantia se posse consequi desperant; nam intelligimus boues, sues, oves, equos, & eiusmodi alia animalia ex Europa in nouum Orbem delata, tandem adeo multiplicata, ut nimia abundantia etiam illis sit molesta. Considerate qua tolerantia, & quanto tempore nostri parvuli educandi sint. Integro fere anno in utero gestantur, ante quam nascantur, & iam nati tam multa solitudine & cura egent, dum tolluntur, ut perpetuo fere sit circa illos versandum. Sed praeter haec, mille adhuc impedimenta in iis conseruandis & alendis occurrunt. Sic licet in huius cultura ratione facilitas adsit, temporis tamen oportunitas expectanda est, locus preparandus, & calis etiam temperies siue calida siue humida auxilium subministrare debet. Et tandem accidet, ut quemadmodum ades numerosa sobole ita implentur, ut alter alteri impedimento sit, atque temporis successu nepotes accedant frequentiores quam interdum cuperemus: Sic etiam colono, ut alias proles conspiciat e suis seminibus natas, adeo numerosas, ut suis vicinis eas distribuere cogatur, nec opus sit aliunde eas accensere, quinimo tandem multas etiam eruere, ut reliquae iam rariores factae, commodius adulescere & auctiores consurgere queant, necesse erit: nam tempore sensim labente, tellus minimè otiosa perpetuo producit,

cit, nec deterior aut magis effoeta idcirco redditur, sed ipsa
semper pubescente, ea quae profert senescunt. Ad semina-
ria in siluestribus facienda, siue locus muris cinctus sit,
siue siluofus, siue campester, aratro duntaxat terra ver-
tenda erit, non autem ligonibus, ut quā minimum sit im-
pendij. Mira est hominum ignorantia, qui è suis operibus
utilitatem quarētes, vinaria in tam amplam longitudi-
nem muro concludere quidem norunt; attamen quibus
ea explere possint non habent, nisi ab iis accipiant qui vix
millesimam partem soli quod isti muro incluserunt, pos-
sident. Eam ob causam pauperes seminaria conficientes,
in opulentorum desidū, & rem domesticam male curan-
tium vsum nati plerumque sunt. Sed quos nunc obsecro
umbraculis frui suis adibus vicinis, aut vinaria probè
confita obtinere videmus, nisi eos qui curam & diligen-
tiam in ea re adhibuerunt? Tædio, omnis boni hoste,
multa præclara opera impediuntur. Nam ut singuli præ-
sentibus fructibus uti vellent, sic a sem præsentem habere
malunt quàm aureum coronatum diutius expectando:
aliter tamen sentiendū in huius cultura pertinacia, ne-
que temporis mora quenquam afficere debet; quando-
quidem etiam nepotum habenda est ratio.

PROBLEMA XVI.

Quo anni tempore paranda sint necessaria ad sil-
uestrium arborum culturam.

PLERI QUE fatentur arbores quarum fructu ve-
scuntur, ab aubus habere confitas: nam & Inglandum
potissima pars, quæ ex vineis eruitur, à cornicibus istic
sata fuit. Sic etiam Sturni per deserta conuenientes, occa-
sionem præbent ut multi istic oleastri nascantur ex Oli-
uarum nucleis quos cum excrementis eiiciunt; hi deinde
in oleas insitione cicurantur. Idem contingit multis locis
in ipsis etiam turribus, ubi Turdi & Merula excer-
nunt, ut nuclei integri remanentes, & istic germinantes,
in ar-

in arbores deinde adolescant. Quis ignorat nostras Cypressos & Laureos, aliasq; similes in nostris hortis nunc vulgares, è siluestribus originem habere? Quis unquam credidisset Rorem marinum adeò tractabile fore, vt semper virescens, hortos claudere queat, & omni loco proueniat, ubi sata fuerit? In memoratarum rerum considerationem, quæ duntaxat seminũ conquisitione difficiles sunt, etiam prouisum est ne quid deficiat. Itaque docebimus, quando iam enata erunt, eas conseruandi rationem necessariò sequi debere. Idem accidit ei qui suprà memorata semina habere vellet, ac illi qui vnas aut nuces decerpere: nã si vineta accedat antè quàm matura sint vne, agrestam duntaxat inuenit; sin seriùs, iam putridas deprehendit: sic de nucibus, quas si præcocius decerpas, virides ac molles; si verò tardiùs, putamina duntaxat in arbore inuenies. Et quemadmodum annus unicam æstatem habet, sic unicum semina colligendi tempus est, & unicum ver ad ea ferenda. Quisquis igitur stato tempore non adueniet, nempe autumno, sibi in proximum annum expectandum esse statuat. Ne omnibus quidem Regis, aut Cæsaris, imo etiam Turcarum Imperatoris facultatibus unica seminum Pinastris, Laricis, Abietum, & similium vncia æstate redimi posset: cùm tamen illorum emundatorũ ea quantitas qua equus onerari queat, minoris quàm aureo coronato redimi possit autumno, si quis tempore in hanc rem incumberet: nam cùm in siluestribus, & abundè nascantur, nullum nisi in iis colligendis fit impendium. Inde fit vt oportuna tempestatis meminisse oporteat qui suas res commodè peragere velit. Legitimum ferendi tempus est ver: est tamen & aliquod discrimen, secũdum vulgare prouerbum, quod omnia tempus habere nos monet. Sic etiam pleraque semina germinare non videmus nisi ante hiemem confita. Sed quemadmodum Bellum arma explicat, omniaq; perturbat, diruit,

ruit, & corrumpit, & agriculturam cessare facit: sic pax edificat, restituit, leges stabilis, lites dirimit, difficultatesq. earum rerum quarum demonstratio in contemplatione consistit, discutit; quo tempore vera est agricolæ occasio: nam quemadmodum dictum est, cum omnia tempus habeant, Colonos requirunt qui ea dirigant, etiam in hac cultura quæ tantundem belli quàm pacis visibus necessaria est, & tantundem voluptatis quàm questus adfert. At quis nescit, quod ut natura non est formosa, nisi ob operum suorum varietatem: sic etiam rerum rusticarum pulchritudinem à sola diuersitate quæ oculis obicitur, procedere? Deinde quæ consistere potest ea diuersitas, si utilitas ab ea seiungatur?

PROBLEMA XVII.

Non fore difficile, Cedros iis pares quæ in Cilicia & Syria nascuntur, atque alia pleraque arborum genera, etiam sine impendio educare, si quis id negotium suscepisset.

DISCEPTATIONES de hac Cultura, comparari possunt cum iis quæ de Architectura fiunt: nam quemadmodum Architectus vel loco difficili vel plano edificans, ad loci naturam sese accommodat; sic etiam Colonus. Ut item ineptus censeretur Architectus qui ubi ligna desunt, & latomiæ abundant, lateribus excoquendis operam daret: sic etiam non cõueniret censum & pulchritudinem labore difficili comparare, cum aliàs facile adquiri possint. Sed utrumque & loci naturam, & Architecti ingenium, sequi necesse est. Nam & Principes viri apud antiquos, mercatores habebant, qui nauibus ad id fabrefactis marmora cum porphyritica tum serpentina undique conquisita conuehebant, ad sua palatia Romana exornanda, neque latomiis suis, neque lateribus uti volentes. Illorum etiam exemplum sequi possent, qui suis prædiis rusticis exornandis per agriculturam incumbunt.

cumbant. Nam qui seminaria conficiunt ex earum arborum generibus quæ in proximis siluis nascuntur, contemnere videtur singulares eas arbores quas aliunde habere possent, & quæ magnum ornatum suis prædiis adferrent. Et ne iam dicta repetamus, cum breuitati studeamus, certum est Zizypham albam quæ nunc vulgaris est in multis Franciæ hortis, quæq; à vulgo Oleaster perperam nuncupatur, aliunde aduectam esse; mirum tamē est in Italia non conspici, hortumq; Florentinum & Pisanum & Patauinum ea carere. Plinius Zizypham Cappadociam nominat lib. 21. cap. 9. Transeat, inquit, Orazio ad eas coronas quæ varietate sola placent. Duo earum genera, quando aliæ flore constant, aliæ folio. Florem esse dixerim Genistas (namque & iis decerpitur luteus) item Rhododendron: item Zizypha quæ & Cappadocia vocatur; his odoratus similisq; Olearum floribus. Sed quis nobis auctoritatem istud asserendi dedisset, nisi ab ipsis Cappadocibus edocti essemus? Considerate illum apte dixisse eius florem odoratum, similemq; Oleæ flori. At cum eius folia singulis annis sint decidua, Oleaster esse nequit. Verum de his commodius alio loco. Sic etiam Sabina ē montibus originem traxit: quæ licet iā omnibus hortis vulgaris sit, in Olympi montis Phrygiæ vertice nulla est arbor frequentior. Atque si earum quæ apud nos conspiciuntur stirps extincta esset, ē siluestribus eam restituere non esset difficile; quandoquidem maritima itinera commoditatem ad eam rem præberent. Quemadmodum igitur hoc Sabinae genus ramis propagatum est, sic & alterum posset, cuius veteres toties meminere, & tanta abundantia sponte in Asia montibus nascitur, quanta primum in Olympo. Accommodetur hoc exemplum ad reliqua arborum genera. Possemus autem etiam his plura polliceri, quæ in scheda Regi exhibita contineri diximus, si de rebus longè petitis quaestum

stum ab aucupibus siue aliis mercatoribus factum in exemplum adduceremus. Nonne oportet aucupes in Septentrionem, & Meridiem, Occidentem & Orientem vela facere, atque Europā, Africam, & Asiam peragrarē, atque istuc sua retia in siluis expandere, ad buteones, aquilas anatarias, falones, accipitres stellares, aliasque rapaces aues capiendas, atque illas hucusque denehere? Conspiceremusne eas, nisi certi essent, parata pecunia illas vendendas? Attamen ad genus propagandum non emuntur, sed duntaxat ut Principibus viris delectationem adferant. At si quis huius voluptatis impendia considerabit, atque cum expensis quæ in hanc culturam faciundæ sunt comparabit, nonne longè excedere compariet? Quemadmodum autem nostra silua plerisque locis Ostreis sunt consita, alibi verò Abietibus, alibi Piceastris & Piceis, & alibi aliis: sic Taurus mons Cedris, iis quæ in Libano monte proueniunt similibus, abundat; quarum quantam cuperemus seminum quantitatem habere liceret, viliori etiam precio quàm quis æstimaret. Nam si mercatores & aucupes, qui eam regionem adeunt, instituerentur, cum suis anibus ea referre possent, per Tripolim, quandoquidem singulis mensibus naues inde solunt in Italiam. Sed quemadmodum mercatores ea duntaxat adferre solent quæ breui vendituros se sperant: sic nunc pleraque ignota manent, quoniam in usu non sunt, veluti multe arbores in montibus Tauro, Olympo, & Amano, siluisque in quibus aucupantur nascentes, & veteribus notæ, quarum semina aduchere possent, si certi essent ea sese vendituros; ut Iuniperi maioris & Acacalis fructus, & Tamaricis nuces. Quis crederet Acaciæ gummi in Arabia lectum, & Guaiacum è nouo orbe petitum, Brasiliū atque alia pleraque peregrinè delata, adeo vili æstimari posse, ut singulorum pōdo panis (ut aiunt) fragmento redimi queat? Adhuc supersunt qui ali-

E

quando

quando semina è Cedri strobilis Asia delatis excusserunt, atque telluri commiserunt, & inde natas Cedros conspexerunt: quas cum fur quidam non commodo tempore eruisset, easque negligentius curasset, tandem perierunt. Cum igitur Cedrus istic in altis frigidisq; & operis nive montibus nascatur; nostrum calum non fore illi magis aduersum quam illud, credibile est: exemplo Arboris vita, quam Rex in suo horto Fontis Belle-aqua alit è Canadas noui Orbis delatam. Ipse Theophrastus testatur maiorem Cedrum in Cilicia perinde prouenire atque in Syria. Cupressus enim ibi, inquit, exuberat, in Creta videlicet, & in Cilicia Syriaq; Cedrus. & 6. cap. lib. 4. ait: Quin ad naualem materiam Cedrum Syria gignit, eaque ad triremes vtuntur. Si igitur nulla difficultas obsit quo minus in hoc regno nasci queat etiam leui impendio, illa ipsa, inquam Cedrus, cuius Salomō in sacro codice meminit; an non esset arbor quæ structuras potentissimi & celebratissimi Regis exornaret? quæq; paulatim, breui tamen, vulgaris fieri posset, nō modò in ipsius atq; aliorum hortis, sed etiā in huius regni siluis? nā si tanta facilitate & tam paruo impendio, magna eius seminis copia cōparari potest, & sine difficultate terra cōmissum enascatur, quid quæso oberit? Olim cum pinearum nuclei selecti suo putamine exempti & recentes, quinque aut sex dūtaxat assibus apud aromatarios in singulas libras vēderentur, omnes mirabātur: Sed postquā rescitum est, siluas cum apud Aquas mortuas, tum apud Rauennam ad bina in circuitu miliaria Pini arboribus cōstare, desitum est mirari, imò nimis grande preciū eorum existimatum est. Si quis Massilia esset, & equorū onera cōparare vellet, singulas libras nucleorū, integrorum videlicet, & non confractorū, quatuor terunciis, aut ad summum sex (qui dimidium assen Gallicum conficiunt) redimere posset. Quid ergo in hac re præter vecturam æstimandum est?

P R O .

Li. 3. Hist.
cap. 3.

PROBLEMA XVIII.

Si Galli nonnullis locis petrosa & confragosa arbuſtare vel-
lent, multorum cenſum auctiorem futurum.

TANTVM abeſt, vt Cultura cenſus perpetuò re-
ſpondeat, vt plerumq. variet pro loci & temporis ratio-
ne. Attamen permutationis vſus ſemper in vniverſo or-
be fuit ac erit. Hæc eò dico quoniam adhuc de iis arbori-
bus ſilueſtribus agendum ſupererat, quas ob vitium cul-
turam, quæ illis incumbunt, cicurari neceſſe eſt. Cultura
ſanè eſt multis nationibus cōmoda, cū vitium nonnulla ſine
pedamentis conſiſtere nequeāt, aliæ pergulis incūbere de-
lectentur, & aliæ arbuſculis: etenim omnibus nota eſt vi-
tis natura, quæ ab imo mōte ad eius vſq. ſaſtigiū conſcen-
deret, ſi duceretur; inde fit vt ſingulis annis putāda ſit. Si
agros arbuſtādi ratio, hoc eſt, vites ſerie quadā plantandi
iuxta arbores à pleriſq. nationibus cognita eſſet, melius
cum iis ageretur: nā plerumq. annuos cenſus valde immi-
nui videmus, quoniam ſolū aptè colere non norant. Nōne
oportuit Pliniū multū ſuis exploratoribus conſidere, cū
ornato ſermone dixit, Arbuſti ratio, niſi Italiæ cōceſſa,
cū tā longo iudicetur quo. ac ſi aſſereret agros in arbu-
ſta traducendi rationē nondū in Galliā tranſiſſe. Sed in-
cōmoda quæ ex ſimili defectu procedunt, poſtea dicentur.
Hinc fit vt Principes viri, qui adhuc Romæ poſſeſſio-
nes obtinent, cū hortos ſuos, qui verè etiam ſunt hor-
ti, designare volunt, vineas nominant: eorum loquendi
ratione id ſignificante, vt quod nos agros ſepibus clauſos,
aut vinaria, aut hortos vocamus, illi vineas appellent.
Propterea audimus, vinea talis Cardinalis aut Princi-
pis, licet verus ſit hortus. Ea eſt autē ratio, quòd arbuſcu-
las in quincuncem ordine diſponunt, atque iuxta ſin-
gulas, vitis ſtirpem conſerentes, eas deinde adoleſcere ſi-
niant ad exiguarum Ceraſorum altitudinem, non autem
maiorem: eaque ratione loca illa multò gratiora aſpe-

Lib. 17.
cap. 23.

68 DE NEGLECTA CULTURA STIRP.
Et redduntur. Hic tamen locus ut de variis arbus-
tionibus agamus non postulat: nam arbores nos nunc oc-
cupatos distinent. At ut nostri maiores istam in loquendo
promptitudinem & alacritatem habuerunt, sic nobis mul-
to peritiores in cultura ratione fuerunt: ac non modò in
cultura, sed etiam in omnium rerum natura. Sed neque
hic locus est ut de stirpium natura agamus, cum de ipsa-
rum cultura nos agere iam professi simus. Postquam ergo
Plinius dixit: Arbusi ratio nisi Italiae concessa: sub-
iungit, nobilia vina non nisi in arbusis, & in his quoq.
laudatiora summis, sicut vberiora imis: adè ex celsi-
tate proficitur: ac si diceret, vites humiles maiorem
vini quantitatem præbere, sed sublimes arbusculis incum-
bentes, laudatiora vina dare. Omnibus porro considera-
tis, tam varia est arbusi ratio, quam vitium colendarum
ratio in Gallia diuersa est. Sed de his in Agricultura. Idè
Plinius subiungit: Hac ratione & arbores eliguntur.
Prima omnium Ulmus, excepta propter nimiam fron-
dem artinia (ac si diceret ulmum latifoliam non conue-
nire, quòd nimia fronde abundet) Deinde Populus ni-
gra eadem de causa, minus densa folio. Non spernunt
pleriq; & Fraxinum, Ficumque, & Oleam, si non sit
umbrosa ramis. Hic recensuit altas arbores quibus vi-
tes maritatur; sciendum tamen est, quòd singulis annis tum ar-
bores tum vites putantur. Præterea addit: Transpadana
Italia præter supra dictas, Cornu, Populo, Tilia, Ace-
re, Orno, Carpino, Quercu, arbusat agros, Venetia
Salice propter viginem soli. Ut verò supra dictarum ar-
borum usum docuerat, voluit etiam eas recensere quibus
transpadana Italia utebatur: propter quas hoc scriptum
produximus. Videmus ergo singulas prouincias arbores
sibi peculiares accommodare: nam plerisque aliis locis, alia ab
eo non enumerata in usu sunt. Itaq. quemadmodum singuli
his utuntur quæ apud eos nascuntur: sic Romania inco-
la

la versus Spoletū vites suas sustinet Terebintho, & apud Narni & Tarni Siliqua siluestri, siue arbore Iudæ. At locis salebrosis, nulla Loto conuenientiōi. *Romani* tamē eo Aceris genere delectātur, quod Opio cognominant: quod probè conuenit ad ea quæ de Acere & Carpino dicta sunt, interpretanda. Nā Sphendamnus sanè in summis montibus nascens, ab Opio illo differt, cuius folia ad Hederam magis accedunt. Sed an nō Theophrastus ipse accedit ad id quod nostris Gallis erroris ansam præbuit? Cū ait omnia Aceris genera foliū vt Platani fissum obtinere, nostrum etiā Plasne vulgo dictū comprehendens? Sed quoniam Plinius ex eo desūmsit quæ de Acere tradit, videte vbi de Carpino agit: Tertium genus Zygiā (inquit de Lib. 16. cap. 15. Acere loquens) rubentem fissili ligno, cortice liuido, & scabro. Hoc alij generis proprii esse malunt, & Latine Carpinum appellāt. Quod consentaneū est his quæ De hist. lib. 3. cap. 12. apud Theophrastū leguntur, scribētem: At verò Olympi incolæ Zygiā (interpretēs Carpinū vertit) montanam potius esse volunt: Acerē planis etiā nasci. Nōne igitur id est accommodare se, dum siluestriū arborum semina serimus, vt arbores nascantur sustinendis vitibus idoneæ, & illarū naturæ vim inferimus, eas è montibus in plana descendere cogentes? At nō præter rationē id fit de Carpino & Orno: quoniā pumila cū maneāt, aptiores sunt ad sustinendas vites quā Fraxini & Aceres, quæ auctiores consurgentes adeò idoneæ non sunt vt montana. Consideremus vbi maiores ad vitā traducendam fiant expensæ, in potūne an in cibo; tū demum cōperiemus verū esse quod vulgo circumfertur, paulo minores in potu, quā in cibo: sed & potus & cibus ab agricultura proficiūtur. Atq. si multa disceptationes de cibo institui possunt, multo adhuc maiores de potu, & potionum generibus faciendis. Sed non parua admiratione dignum est, quod per Romaniam, quæ optimis vinis apianis abundat, incolæ, rotun-

dis vinis delectatur, cōtra quā apud nos, vbi quadrata
 & acria expetimus: verū sāpores fere pro ratione qua vi-
 na in lacunis feruere sinuntur, cōciliantur. Præterea non
 sola diutina frigora impediūt quo minus vites cōseri pos-
 sunt, quandoquidē & Egyptus, vbi frigora accusari ne-
 queunt, earū culturā respuit. Attamen homines ob eam
 causam alia liquorū genera cōminisci non desinunt: nam
 & vitē ementiuntur, natura etiā quodāmodo illis sese ac-
 commodante, ut si vitis minimē sit, illius tamen foliū vitis
 folio proximū esset, & insuper cupiēte, ut nō minus quā
 vitis pedamētis & ridicis fulciretur, & illius penuriam,
 alterius cōmutatio suppleret. Tua igitur causa, Lupule,
 enutriēda sunt arbores, qui nullū fructum præbere potes,
 nisi fulciaris. Sed & alia inuēta est planta, quæ robur at-
 que odorē cereuisiæ addit, quā vulgus Gallorum Pimen-
 te, Flandrorū Bagel appellat. Sed ad vitē nostra redeat
 oratio. Si vitæ humane pars altera, eaq. etiā potissima, in
 ea consistit, nōne de ea disceptationē instituere conuenit?
 An non proprium munus est eorū qui de saporibus iudi-
 cant apud Principes viros, ut in potionis negotio illos de
 vini & vinearum Regni ipsorū natura edoceant? Nam
 quandoquidē illis nobiliora vina deligendi provincia da-
 ta est, eius delectus rationē minimē ignorare eos decebat:
 sed eā vñ quodā confirmatam aliis cōmunicare debebāt.
 Vos igitur, ô Cellary, qui hac atq. illac per Regni prouin-
 cias discurritis, atq. earum vina degustatis; vestri ordi-
 nis aliquis tandē rationem adferat, cur vinū vino præfe-
 ratis. Nemo rusticorū est, qui non respondere queat, idē
 præferri quod illius palato magis arrideat; vel qui ea loca
 quibus naues exotica vina cōuehere solēt, adiēs, ex nobilis-
 simis deligere nō norit, perinde atq. vos. At dicite: Cāpani-
 ca vina, solo cretoso nascētia; alia verò locis calculosis, aut
 sabulosis aut argillosis, aut glareosis nata, talia vel talia
 esse, nomina illis vel à Bibracte, vel ab Aurelia, vel ab An-
 degano,

de gaudio, aut ut vobis magis placebit, indētes: & cū de vestri regni vinis pronūcianeritis, externos stimulabitis ut idē in suis prouinciis agāt. Quod si à nostro instituto alienū non esset, parum abesset quin hoc scripto Praefectos qui in rapacibus auius comparandis sumtus faciūt, orarem, ut eius artis peritis praeipperent, idē exemplum sequerentur. Verū extra limites arborū cultura nostra euagaretur oratio, si hic vel de illis, vel de vinis, vel de vineis ageremus. Quoniam tamen non incōmodē accidit ut recitarem quid apud Latinos sit *Arbustare* agros; non potuimus non subiungere, conducibile admodū futurum si arbustandi vsus in Galliā etiam trāsmississet. Nā plerumq. ea prouinciarū loca quae magis lapidosa sunt, & ad omnes reliquas res inutilia, maiore cēsū incolis adferret quā cetera, ut in Romania accidit, vbi in meris interdū scopulis & saxis, nulla ferē terra aspersis, si semel suas arbores serie quadā plantarint & vites iuxta eas cōsenerint, eas deinceps circa radices non amplius colunt, sed commodo tempore eas singulis annis putant, atq. inde ligna & vina sibi comparāt. Cōmoda esset hac ratio Biturigū & aliarū multarū prouinciarū petrosi locis, praesertim verò Altae ripae vicinis: nā prater quā quod ex iis ligna & vinum inde colligerent (vbi aliās locustae vix inueniant quod depascantur) pecori etiā sub arbustis non deesset pabulum: imō eiusmodi locis lapidosi ad sementē minimē apti, & in quibus nigrae spinae sua sponte libenter nascuntur, commodissimē agri arbustari possent; nec metuenda esset ferreorū instrumentorum attritio & corruptio, quandoquidē vites istuc plantatae, nulla soli cultura amplius egent: cū etiā certum sit, ea loca vulgari ratione vinearū culturā nō recipere. Rustici in huiusmodi arbusti rationibus, arbores in seminariis educare consueuerunt, quas deinde cū nouellis vitibus teneras plātant, equali matrimonio eas coniungētes, ut simul adolescētes, unā cōsenescere queāt.

Impedimenta cū in stirpiū cultura, tum earum
cognitione occurrentia.

FRVSTRA, vt summatim dicā, stirpes educādi difficultatē pratexet colonus, si nonnullarū quas nasci velit semina habuerit: nam modo diligenti colono semina praebeantur, eaq. telluri committat, ipsa minimē inuida, quae cōcredita sunt ad sui ornatū & elegantia producere duntaxat studet. Inuanda igitur est, ea quae illi noxia agnoscimus, tollendo. Itaq. ingratitudinis notam effugere non possunt, qui earū arborum quas conseruerunt umbracula quarentes, adeo ignaui sunt, vt eas hieme, vel saltem nouo vere, à vermibus non repurgent, videlicet ab erucarum nidis, quos papiliones exorsi sunt, quosq. facile in extremis arborū ramis, antè quàm folia germinare incipiant, conspiciere licet: quoniam paulo post ea praeodunt, & depascuntur. At seminaria, siue in fictilibus, siue in areis siue instituta, grauiorē hostem nō habent quàm lūbrico: (cū radículas praeodere solēāt, & meatus in terra facere) atque limaces, quae germina absument. Vtriq. magnā onorum quantitatē pariunt vere, quibus testudinum & serpentium more incubant. Eā ob causam Dn. Renatus Bellaius terram cū fimo decoquebat, eamq. hac ratione à similibus insectis repurgabat, & preparabat, vt quacūq. illi deinde crederentur, sine difficultate reciperet. Quemadmodū porro calor, in naturalis defectu, sic arte temperari potest, vt ab eo ona excludantur: sic excogitatus est puluinoꝝ ex fimo vsus. Sed etiam ignis adminiculo quidam vsi sunt non sine fructu: quod sanè notabile est, & vt inter agriculturae secreta referatur, dignū. Quinimo conspiciamus semina ab auibus deuorata breui spacio germinare, vt ex glādis patet, quae in palumbibus necatis inueniuntur, atq. ex hordeo in nonnullarū auium ingluuie reperto. Nōne igitur calor & humiditas eius rei causa sunt? Sed hac de industria producta sunt, tanquam testimonia

monia virorum experientia clarorū, & qui demonstrare poterūt, centies millenos arborū stipites ab ipsis non modò enutritos, sed etiā transplantatos, vt enincamus nullū semen, cuiuscunq. tandem stirpis sit, atq. quocunque tandē loco seratur, in terra vnquā perire, nisi suprā dicta insecta ea corrumpāt, aut vicine alie plantæ nata suffocēt: cuius rei exemplū estō quod in frigidis Septentrionis regionibus Cassia Palma, Thamarindi creuerūt, nec desint qui Acaciā cubitalem & egregiè virentem in Gallia nariā vidisse testari possint. At nostrū calum minimè ferentes, gelu corrumpuntur. Est praterea aliud animalculum Gallis Courtil aut Laboureur nuncupatū, media parte Talpam, altera insectū referens, maximè inimicū tenellis plātis. Sed & Talpa duntaxat radiculis & lūbricis quos terrā fodiendo inuenit, vescitur. Ad abigendas formicas, Tuhymali cuiuscunq. generis plātæ ex aqua decoctū utiliter ipsarū latibulis inspergitur. Aduersus verò Mures araneos & Talpas, nullū aliud remediū, quā vt capiantur: verū quidē est in seminariis vnā cū seminibus nepam defodi solere, vt arceantur, & ingressu prohibeātur.

Differentia verò constituenda est inter ea quæ seruntur vnicū duntaxat annū duratura, & illa quæ diuturna futura sunt: nam arborū satio, ab herbarū, quarum fructū æstate speramus, satione differt. vt exēpli gratia, qui citrullus & cucurbitas Maio mēse primū sereret, earū fructū maturū illa æstate non conspiceret, cū certum sit frigora aduentura antè quā maturescant: ea de causa artificiali calore earū natales promouentur, satione antè quā hiems expirarit facta, quoniā frustranea esset omnis alia sationis ratio: quod tamen cōtra in arboribus euenit, quas nullo calore, nullōve alio cultu elicere possumus, sed diu sub terra latere debēt. Imo ne Phylireæ quidē à Dioscoride descriptæ, & à Theophrasti Phylira differentis, semen, vel in areola aut seminario. ante decimū mensem

E s

nasci

nasci voluit. Itaq. patiēter tolerare debemus seminū non-
 nullarū arborū germinationis morā. Quemadmodū au-
 tē natura aquam nonnullis anibus ad vitā sustentandam
 distribuit, sic illorū pedibus membranas secundum digitos
 extensas dedit, quæ tamen terrestres redditæ, vitā in ter-
 ra sustentant, pullosq. excludūt, nec unquā in aquam re-
 grediuntur: quod cōprobari potest exēplo anatū & anse-
 rum, quæ interdū educantur iis locis, ubi vix in ipsis pu-
 teis aqua inuenitur quā incolæ bibant. Similiter accidit
 quibusdā arboribus, quibus natura frigidis locis, in mon-
 tium verticibus, domiciliū concesserat, quæ tamen in pla-
 na descenderunt, peritorū quorundam patrū familiās di-
 ligentia, qui res æstimare atq. in usum traducere norūt:
 peritū autem patrem familiās siue œconomū non intelli-
 gimus vulgari loquendi more, quo avarū denotari volunt,
 quodāmodo ignorantes liberalitatē mediam consistere in-
 ter auaritiā & profusionem; sed vulgus addit, Principibus
 viris peculiare esse, pecunias profundere quidē nosse, mi-
 nimē autē eas acquirere. Ea q. de causa indecēs censetur,
 cūm quilibet existimat se alicui gratum fore, si cū mutua
 sumenda pecunia rationes edoceat: cū tamen longē cōue-
 nientius esset, si alieni aris persolvendi rationes ei demon-
 straret. Sed in œconomiis vulgare est, ut singuli pluris
 æstiment eos fructus quos è suis prædiis aut adium censu
 collegerūt, licet paulo deteriores, quā aliunde conquistos,
 tamen si meliores. Sed de prædiis, vinariis, piscinis, auia-
 riis atq. columbariis alias agemus. Quoniā porrò hoc lo-
 co certum defectū in stirpium cognitione demonstrare con-
 stituimus, ex ipsarū cultura eū desumere decet. sed vnius
 duntaxat aut alterius exēplo demonstrabimus: nā quor-
 sum tot repetitæ disceptationes de vnius stirpis natura?
 quæq. mille affirmatiuas & totidē negatiuas in magno ho-
 minū cœtu exaudiri faciunt, quandoquidē nulla ratione
 conspicienda præbetur? Nōne igitur mirum est, quando-
 quidem

quidem oculorū acies fatigatur, auditum defatigari non posse? Attamen neq. propter hanc visus defatigabitur, cum non exstet. sine formidine ergo oculos insigniter apertos præbeamus, atq. ut una illius radícula configi possint, liberū permittimus: cū tamen eius vel integras libras, vel etiā centenas adquirere facile posset quisquis eas habere cuperet. Quo igitur modo fieri potest, ut adeo facile apprehendi queat, quod alius tā diu animo concepit? Vigin-
tiā elapsi sunt anni, quod publicè protestati simus, nigri Ellebori loco Aconiti radices exhiberi, cū tamē sine difficultate legitimū Elleborum haberi posset. Qui per Valbrumbanā iter faciet in Bergomi limitibus, biduo integro inter Ellebori plantas versabitur, adeo elegantē florē gestantes, ut simplices rosas cū magnitudine tū coloris rubri elegātia, tū odoris suauitate superet. Mereretur ergo Elleborū semine in hortos transferri, ut inter elegātes flores locū obtineret. Nōne igitur demonstratio est super defectu cognitionis plantarū, cū hac adeo negligatur? Sed ut experientia id verū esse cōprobemus, perquirātur materialistarū huius regni officina, & re ipsa comperietis, id quod vobis Ellebori loco dabūt, Aconiti radicē esse, paruo napo similē. Quid iuuaret illud adeo diligēter obseruasse ad ipsorum etiā Olympi & Idæ montiū radices, tū etiam in Phrygia & Creta, nisi eius tā confidens narratio fieret, quā animosē nostra ossa cōfractiōni exposita fuerūt, siue arbores conscendendo, siue serpētes in scopulis persequendo, nō minore forsitan voluptate, quā venatores feras suas indagantes? Vt igitur defectus est in siluestriū plantarū cognitione, sic etiā in domesticarū cultura. Quis nūc Tiliā se demonstraturum profiteri audeat similē illi cuius Plinius meminit, quæ iuxta Tiburtes cōspiciebatur om-
ni genere pomorū onusta, alio ramo nucibus, alio baccis, aliūde vite, ficis, piris, punicis, malorūq. generibus? Nōne nouū videretur cuipiā qui aliās omnis generis arborū
peritiā

Lib. 17.
cap. 16.

peritiā se habere profiteretur, si media hieme Malorū & Pyrorum pergulas cōspiceret, quas tamē deceptus ex vite constare putaret? Sed hac cum frugiferis arboribus declarabuntur. Ceterū si singuli plantarum cultura atq. earum cognitione perinde contēti essent, nec alij inuenirētur quā qui in libris perpetuō versari volunt: quo pacto eliceretur vera notitia pusillae cuiusdā, ac perpetuō virētis arbuscula, quae Coccū gnidiū profert? Qua ratione quadrabit quod Dioscorides de Thymelea scribit, satiuo lino similē esse, cū tamen ea quā nostri Doctores pictā exhibent, cū in valle Anania, tum per Germaniā sponte nascens, lini folia minimē habeat? Legitima etiā Thymelea haudquaquā est, cuius folia ipsis Chamelae foliis sunt angustiora. Sic alter alterius vestigia sequuntur qui ex libris dūtaxat profitētur. Quo modo igitur vos o Pharmacopaei, Hieralogodiō cōficitis legitimo Cocco gnidio carentes? Adeoq. hoc scriptū probabit Germanorū Kellerhals minimē Thymeleā esse. Gnidius coccus frequens est Genuensi agro, & antiquitus ab Hippocrate cōmendatus, qui in suis medicamentis inseruit. Tamen, ut dictum est, solummodō de cultura hīc quaestio est, non de natura. Horum ergo duorū exēpla pro aliis infinitis sint. Sed quandoquidem nunc de seminibus agimus, materiae cuiusdam quā Kermesinum semen appellant, ex Hispaniis & Lusitania delata, vsus nunc adeo frequens est, ut nulli sint in urbibus infectores qui in sericeis staminibus tingendis ea non utantur. Excrementum est rubrum & planū, quod in Myrti fruticibus aestatis initio reperitur, lētis magnitudine, eiusdē ferme natura cum cocco baphica: nā quemadmodum in Cocco baphica innumera animalcula lende minora inclusa sunt, sic etiam in hoc grano Kermesino. Praeterea, ut illa pumila ilicis ramulis sub foliis inhaeret, sic hoc Myrti minoribus ramis adnatum est.

P R O-

Lib. de
morbis.

PROBLEMA XX.

Admonitio ad Galliæ respublicas de opulentia & facultatibus quorundam externorum, qui sua diligentia ex plantarum cultura eas sibi compararunt.

Hoc loco calumniã meritiò incurrat, qui adeò negligens fuisset, ut & tēporis & pecunie iacturã faciēs in sua peregrinatione, ea apud exteros non obseruasset quæ publico præconio digna essent, quæq; ad hanc deliberationem faciunt. Itaq. cupido incessit, nominatim hoc scripto declarandi, præsertim nostris Præceptoribus & Medicinæ Doctõribus huius florentissima per Galliã academia, atq. aliis (tū etiam ut expresse gratias agamus Dn. Rogerio, honorato Decano, & Dn. de Flesselles, magnæ eruditionis viro, atq. in omni experiētia clarissimo, meo honorandissimo Mæcenati, similiter Dn. Grano, atq. meis examinato-ribus, propter gratiã quã ab eis obtinui) quod ut aucto-ritate & scientia reliquas externas academias superare creduntur, ipsorū dignitati & doctrinæ etiã conueniat, ut publicū in vrbe locū constituāt, in quo varij generis stir-pes alantur, quarū cura viro perito & in earū cognitione probè exercitato delegetur, cū ad ipsorum oblectationē, & doctiorū vniuersitatis scientiæ augmentū, tum ad rem litterariã stabiliendam & promouendā. Nam quarundā Germanicarum & Italicarū Academiarū longè inferiorū, quæ tali opere publico in vsum producto, sui nominis celebrius reddendi rationē inuenerunt, cōparatione facta, de illis agere super se debimus breuitatis causa, atq. in Cōmentarios de Agricultura differemus. Minimè tamē fieri potuit quin hīc adiiceremus, prudentissimū Venetorū Senatū tantā nominis celebritatem sibi pariturā non fuisse, si marmoreum aliquod theatrū auro & argento exornatum cōstrui iussisset, quàm terreo illo in horti vsum exstructo, in quo multas arbores, herbas, aliasq; rariores res similes conseruēt & aluerunt, magno ipsorum Reipublicæ cōmodo atq. ornamento, & exterorū, qui discenda.

cendarū disciplinarū gratia Patavinā eorū academiam accedunt, utilitate: quæ tamē res vix illis in mentem venisset, nisi probus quidā & doctus vir Bonafides nuncupatus institisset, cuius persuasione & suscepta & absoluta fuit. Cum autē ex eo loco doctiores redierimus, rationi cōsentaneū non erat memoriā tam insignis viri silentio premere, cuius beneficiū meretur ut ipsius nomen celebretur. Verū magis adhuc denincti sumus illi qui eius patrociniū suscepit, siue is viuat, siue exstinctus sit. Nā postquā hic Herbarius diu vrsisset atq. cōpellasset prudentem Senatū, atq. plurimum institisset ut ille hortus institueretur; Dominus Daniel Barbarus, electus Patriarcha Aquileiensis, vir cuius doctrinā elucubrationes celebrant, illius patrociniū in tali instituto suscipiens, facile Senatui persuasit, id quod tantopere postularet, æquum laudabileq. esse, & magnæ utilitatis futurū: tum illi concessum est ut theatrū ē terra & lapidibus pro suo arbitrio construi iuberet, quò deinde euocatus fuit vir diligens & magnæ experientie, Dn. Aloisius Mundella, Herbarius Romanus, qui nūc etiā temporis illius cultura incumbit, & qui Guaiacane arbores ipsius diligentia semine natas demonstrare potest. En igitur vobis qua ratione Principes viri & Republicæ summā sibi gloriam comparent ē rebus vili æstimatis, exemplo huius theatri, quod illis tubæ instar exstitit ad publicandā nominis eorum celebritatē & auctoritatem, non minus quā vlla alia res iam centū proximis annis ab illis inuenta, & totidē subsequuturis inuenienda. Exstat adhuc hortus à Lucensiū vrbe mille passus distans, multis exoticarū arborum generibus cōsitus, opera & summa diligentia Dn. Vincentij à Monte Catino, in quo scala admota conscendenda mihi fuere Phyliræ, Oxycedri, & Lyciæ cedri arbores, ut illarū semina colligerē, tanto tēpore istic consite sunt, & adeò adoleuerunt. Iulius Moderatus, Pharmacopæus Ariminen-

sis,

sis, cuius officina Mortē pro symbolo habet, multas etiam tam singulares stirpes in suo horto conseruit, ut vix externus quispiam hoc studio se oblectans, eum ingredi possit, quin doctior egrediatur. Sed hæc exigua: nā illustrissimus idemq. magnanimus Princeps Cosmus Medicus, Dux Florentinus, hortū etiam in sua Pisana academia extruī iussit, quē magnis sumtibus colit, & expressē literatis viris consecrauit, in eorū gratiam qui descendarum scientiarum gratia illuc confluunt, ubi plurimas pulcerrimas stirpes, cū in fœtilibus, tum areolis educari iubet, quarum obiter duntaxat hoc loco fiet mētio: istic autē Hispanicam Myrtum latifoliam, nobis antea incognitā, conspeximus.

Hic Pisannus hortus variis stirpium generibus omnino confitus, illius academia decorandæ gratia institutus fuit: in quo cū multa rara & excellentia, quæque nusquam alibi per Italiam inueniri queūt, viderimus & didicerimus; minimè silentio premendum duco, hunc dignissimum Principem, præter reliquas virtutes, tanto affectu rem literariam promouendam suscipere, ut nullis sumtibus parcat. Dominus Andreas Cuspinus, Herbaria rei in ipsius academia professor, viriute insigni præditus, duabus paruulis arbusculis perpetuò virentibus Lauro-cerasi bene radicatis nos donauit. Huius verò magna est arbor in horto Principis d' Oria Genuæ, ex qua Pisanae originem trahunt. Ea est quæ in Observationum libris inter arbores perpetua coma virentes descripta, Cerasus Trapeuntina appellatur, ut etiam postea ex Plinianis scriptis tale nomen inuentū est. Cuius causâ historiā quæ accidit, forsità intelligere non pigebit. Nā ut vulgo dicitur; Ea non est existimāda voluptas, in qua labor & vite periculū excedit. Sed quemadmodū nec sudor cū lassitudine coniunctus, rusticos Britannos, à pile pedibus propulsa ludo deterret, Italosve à follis pugillatori quē pendenti pugnīs incurfant, Gallos à pile palmariæ ludo, Lucenses

censēs à cascorum per cingulum iactus (Giroles vocant, exercitium forsitan illi simile, quod veteres Disci iactū nuncupabāt) Germanos à hastarū cōcertatione: sic nec Principes viros à lancearum cōcursu, Turcas à lucta, & aliis similibus exercitiis difficilimis & violentis. Si tamen ab huiusmodi decursionibus conquiescere illis licet, voluptatē inde capiunt. At voluptatē nimio emtā, & quæ horrore potius incutit, celari præstaret; quoniā non ita nimium affectibus indulgens, effecit, ut Genuam hieme adueniens, & die festo, locū adire in quo matrone eius urbis cōuenire solent, vestitu magis ad voluptatē quàm ad honestatem cōparato ornata: istuc unam fortē conspicio inter reliquas facile principē, cuiq. alie omnes primarium locum concederent, manu tenentem arboris perpetuò virentis ramum, fallendi duntaxat temporis causa. nam in eiusmodi conuentibus mulieres, ad fatuorū oculos in se cōuertendos, adeò alacribus moribus esse solent, ut nihil suprà: quemadmodum etiā in Chio insula. Externus ergo eo adueniens feruente bello, & solo cognoscendi quæ istuc culturata essent desiderio ductus, conspiciens hunc ramum, illi admodū rarus visus est, & nō vulgaris: cū verò illum propius aspicere cuperet, id sine difficultate haud fieri posse cōperit. Quid igitur consilij caperet, nisi ut illius mulieris egrediuntis occasionem expectaret? Paulo post omnibus domū ex aula concedentibus, inuenta tandē est ratio, at non sine difficultate, ut is ramus in nostras manus perueniret. Atq. interroganti vnde desumptus esset, ut arbore conspiciere possem, responsum datū est, in Florentian. Hoc nomē memoriæ infixum nobis deinde tantū laborem peperit, ut æstimari non possit: nam eo ad duo miliaria à Genua profecti, occasione habuimus nimiam nostram leuitatē accusandi; etenim sub vespere discedentes, & de via quæ eo duceret interrogātes, breui suburbia præterimus, ut in Vallē illam perueniremus, in qua hac illac discurrentes

rentes nox oppressit, ut hospitij inueniendi spes omnis nobis
pracideretur: at ferrum excutiendo igni idoneum, atque
ligo cui ab altera parte securicula adaptata erat, tum
temporis nobis utilis fuit. Frustra ergo perquisita, cum in
urbem redisset, eius videndi desiderium maius incessit:
nam ea non cōspecta inde discedere, de negligentia & leui-
tate merito accusandus videbar; quandoquidem ad sim-
plex responsum eo discurrerā. Non cessante ergo eius vi-
dendi desiderio, neq. postridie, neq. tertio die in Florentiam
inueniri potuit. Quid restabat, nisi ut ita defessus mihi
persuaderē Citrij mali ramum esse? Sed ut infortunium
cōmoditatem interdū aliquā adfert, cum ubicunq. tan-
dem esset, eam reperire statuissem, mea pertinacia factum
est ut cū illa elegantissimum Principis d'Oria hortum si-
mul conspicerē, in durissima rupe non sine summis impen-
sis incisum. Si igitur talis arbor, cuius rami adeo facile
cōprehendunt, iam multis locis vulgaris est, atq. ex frigi-
dis Septentrionis regionibus aduecta sit; cur etiam apud
nos non conspiciatur, si quis de ea aduehenda cogitasset?
nam, ut dictū est, facilitas maris tanta est, ut plantæ li-
gneis capsis cum terra impositæ, è longinquissimis
etiam regionibus aduehi queant, exemplo Arboris vi-
tæ cuius facta est mentio. At obici posset, Patavinum
gymnasiū à prudenti Senatu Veneto institutū, Illustrissi-
mum etiā illum Ducē, & liberam Rempub. Lucensiū, at-
que magna experientia doctrinaq. clarū Pharmacopo-
lam Alpheum Santruchi, huiusmodi exoticis plantis, &
hortis carere posse, eosq. sine illis, minus celebres cū in Ita-
lia, tum apud Cisalpinas nationes, adeoq. per vniversum
orbē, non futuros. At tamē negari non potest quin magna-
nimus ille Dux atq. iam dicta Respublica isto instituto
suas academias tanto illustriores effecerint. Eadē ratione
posset nostris disceptationibus responderi; quandoquidem
Lutetiana academia sine huiusmodi rebus perdurauit,

F

eiusq.

eiusq; incolæ opulenti facti sint & longævi, eorū etiā conditionē minimè deteriore futuram, licet iis careant. At si hoc locum obtineret in hac illustri provincia, a qua reliquæ suum decus accipiunt, quis negabit illam longè illustriore futuram si hæc possideret? quasi aliū vsum fructum haberent, quàm quē tellus illis produxit, quemque optimè absumere norunt: perinde etiam atq; si res familiaris eorum, quorum stipendio vivunt, in alio cōsisteret quàm in eo quod nostri maiores ex agricultura adquisierunt. Negari igitur non potest, quin, si faceret quod illi proposui, rāto ornatior atq; amplior redderetur, quāto inferior nūc est aliis longè minoribus, quæ hoc insuper fruntur bono: sed etiam plantis sese multiplicantibus, & multas proles generantibus, possent successu tēporis suos fructus aliis impertiri, nec aliunde petendi postmodū essent. Qui quinquagesimum caput libri 3. nostrarum Observationum leget, deprehendet Turcas varias plantas in suis hortis alere, quas in hac etiam regione habere liceret, si quis, ut ea adueherentur, operam dare vellet.

PROBLEMA XXI.

Seminum omnis generis arborum quarum mentio facta est, adquirendi ratio, sine magno impendio.

INTELLIGITE Tabellarij, an non calumnia digni sitis. Hic demonstramus, quod cū a vestris Principibus ablegamini, hic in illam regionē, alius in aliā, consultē faceretis, si singuli aliquod exoticum semen referretis: nam, ut dictum est, alia aliis locis nascuntur. Iā animadvertitis nullum vobis proponi impendium, sed solam diligentiam: nam ea pecunia quam vestri ordinis vilissimus in cœnam impendat, id redimere possetis, quod interdum gratius esset quàm quidquid in vestra legatione negotiari essetis: nemo tamen vestrū adhuc animum ad hanc rem applicuit. Difficultas non consistit in eo quod vulgus existimat, multa peregrina nostrum solum, aērē & calū refrigerare.

figere, nec in eo viuere posse, eo exemplo moti, quod Theophrastus scribat, Sycomorū in ipsius patria viuere nō potuisse. At ex eius (quē Gallicē loquentē faciemus) scriptis iam demonstratum est, rerū quas hinc inde videmus experientiam testari, naturam a solertia cogi, & vinci; atq. si diligentia & cura in conseruandis plantis adhibeatur, feras cicures fieri, & contrā, cicures feras, naturā illarum vim inferendo. Eam ob causam existimātes potestātē nos accepturos ad hanc rē idoneam, huius laboris nuncupatione, in hoc instituto minimē negligendū fuit, quin adiceremus, difficile non futurum nostris Gallis, iā vel enumeratas respub. imitari, atq. etiā superare, modō reperiatur alter Barbarus, qui hanc causam protegendā suscipiat: nam modō adhibeatur diligentia, paruo impēdio, magna cum cōmoditate administrari res poterit, & ex paruula, ut magna appareat, effici: eo autē commodiūs absolui poterit, quod iam in promptu sint quæ ad hoc negotiū inchoandum sunt necessaria. Sed, licet omnia principia sint difficilia, nisi tamen initium adsit, ipse conspici non poterunt, quoniā difficultas in sola tēporis diuturnitate cōsistit. Galenus libro de Antidotis, vbi de Mithridatio & Theriaca agit, testatur Romanū Imperatorem in Creta Herbarios aluisse, qui singulis annis siccas herbas in sportulis Romā mitterēt: & idē Galenus rationē ostendens qua exotica haberi possent, postquam multa ad hanc rem pertinentia disceptauit, Delegandum est, inquit, hoc munus iis qui a Senatu aut Prætoribus Roma ad Prouinciarum gubernacula mittuntur, aut amicis qui in iis Prouinciis cōmorantur, ut ea Romā conuehicerent, quemadmodum ego soleo. De seminibus deferendis non meminit quæ Romano agro consererētur; quoniam sua studia forte ad alia negotia contulerat. Si tamen veteres nostri seculi hominibus diligentiores non fuissent; an tam multis bonis quæ ab ipsis nobis sunt relicta, frueremur? Nō puduit Lucillum;

Cerasos ex Asia in Romanum agrum transferre; & Papius Zizypha ex Africa, Tuberes verò ex Syria deferri curavit. Nonne igitur mirum est, Legatos tanto tempore nullam rationem inuenisse qua in Gallia transferri curarent vel minimū quidpiam de tot tamq̃ variis plantis & arboribus insignibus, quæ in hortis earum prouinciarum inueniuntur, quibusq̃ hic caremus? Cuius culpa fit, o Legati, cur hic Laurocerasos non habeamus, ut Princeps d'Oria Genuensis, cuius hortus ista decoratur, cum eius nucleorum multa pondo, in Pera nancisci possetis in monasterio diui Petri quod monachi incolunt, collecta? aut elegantem aliam arborē Amigdale magnitudine, quā Turca Cromadia vel Cromada nominant, Constantinopolitanis & Peranis hortis nascentem, si velletis?

Pratores etiā Veneti deferendus curare possent multas stirpes in suā urbem cum ex insulis sibi subiectis, uti Andrachnē, aut eius fructū Unedoni similē, ex Creta, tum ex aliis Turcarū Imperatori parentibus. Videte Platanū Patani in Cardinalis Bembi horto, quæ in aliis minimè, neq. etiā Venetiis conspicitur. Sed cuius culpa, nisi quod neq. semine neq. ramis propagetur? Ceterū si huius utilitatē requiritis, audite quid Plinius dicat: Omnium insulorum capacissima Platanus dicitur. Nunc verò ut his quæ à nobis proposita fuere subseruiamus, quilibet intelligere potuit, qua ratione educare queat quæ suprà promissa sunt. Sed ut porro quisquis id negotiū suscipiet, intelligat quo modo se gerere debeat; hæc est methodus quæ obseruata fuit: nempe diligenter in peregrinationibus nos perspexisse quānam stirpes nascerentur iis quæ adiimus locis: nā licet tunc deferri nequeant, occasiones deinde sese offerrent ut postea habere eas liceat, vel per eius regionis incolas, vel per scriptis eò literis, vel certis hominibus eò ablegatis. Præterea conuenimus eos qui proximè habitabāt pagorum viciniorū locis quibus arbores nasci obseruatae sunt.

sunt, nomina adnotauimus, atq. etiā primæ autoritatis in
 isdem pagis rusticorū, quibus reliquimus catalogum eo-
 rum quæ desiderabamus: tum etiā Domini cuius pagus
 erat, nomen adscripsimus, & rationē exquisiuius cōtra-
 hende cū ciuibus proxima urbis notitiæ, ut facilius opera
 quando opus esset, adhiberi possent; postremò familiarita-
 tē cum Medicis & Pharmacopais in omnibus urbibus
 contraximus. Istud obseruatum fuit omnibus locis, ut sine
 ipsorū dispēdio, eorū opera & favore uti possemus, nonnul-
 la pecunie summa distributa. Itaq. liquet nunc, non dif-
 ficile futurū, ut per eos, vel alios qui eò ablegabuntur, ad-
 quiri possint quæcunq. obseruata fuere, etiā post multos
 annos. Eius hoc scripto expresse mentionē fecimus, ut sin-
 gulorum Regnorum incole, aut exterarū provinciarum
 ministri, qui in Agricultura librū breui. euulgandū in-
 cident, talizū laborū participes esse queant; quibus etiam
 significatum volumus, ut si qua in re nostros conatus in-
 uare queant, in quibusdam rebus quarum non memini-
 mus, & ipsi vicissim nonnullas desiderent quas expressi-
 mus, nostra opera eas nancisci possint: nam deligētes quas
 habere volent, facile obtinebunt, modò veluti permuta-
 tione quadam nobis aliarum faciant copiam, quas à no-
 bis prætermittas scient. Videtis ergo qua facilitate ad-
 quiri poterunt res eo ordine quo propositæ fuerunt. de qui-
 bus omnibus latius in Agricultura libro, qui statim
 hunc subsequetur.

PROBLEMA XXII.

De insigni elegantia Florentini Ducis horti, de
 Castello cognominati.

SED plura forsitan de domesticis arboribus hoc loco
 egimus, quàm initio cōstitueramus. Cū tamen iā de fl-
 lustrissimi Principis Cosmi Medices Florentini Ducis
 horti, in Castello nuncupati, elegantia loqui cœperimus,
 breuibz reliqua persequemur: nā ut ornatissimè instru-

Et uelut feris arboribus, nisi iam multo tempore excogitata fuisset ratio eius excolendi, & principium datum esset, adeo ne ornatus nunc foret? Sit istud tanquam exemplum rerum predictarum in praxim deductarum. Aqua porro commoditas multum momenti adfert ad pradiorum elegantiam: nam illa in syphones deducta, gramen ubique praebeat. At fontes huius horti adeo excellunt, ut pauci elegantiores alibi conspiciantur. Pulcherrimum vero spectaculum praebent praealtae arbores perpetuo virentes. Itaque ades inferiores, quas Dux inhabitat, egressis, subeundi sunt aliqui gradus, deinde occurrit planities in orbem facta, Cupressis referta, & Buxea sepe corona instar cincta: Cupressis multae arbores serie quadam confite permixtae sunt, ut Arbuti, Myrti, & Lauri, quae perpetuo virentes, & suauem fundentes odorem, plurimam addant loco gratiam. In media hac planicie fons est artificialis, multis angustis meatibus aquam fundens, atque homines inopinantes fallens. Utrunque eius latus binae Palae arbores, siue Ficus Indica nuncupatae, quae suis foliis feruntur, satis iam adulta occupant, quibus contiguae sunt duae legitime Platanum semen ferentes. Omnes huius horti parietes Lantro adnascenti teguntur. Citriae, Limoniae, atque Adami mali, parietes etiam vestiunt. Sed haec adhuc tenuia: nam ex hoc primo horto ascendentes, & paulisper progredientes, duos alios fontes inueniunt, statuis & elegantibus cochleis ornatos, qui portam utrinque claudunt. Supra adhuc, ingressus est in siluam, nulla alia arbore quam Cupressis constantem. Ulterius alia est silua Abietum legione confita, quae locis tridui itinere inde distantibus petita suere; unde aestimare licet, non fore difficile idem imitari eis qui earum educandae rationem intellexerint. Dextro latere silua est serie quadam Ilicibus confita, atque illi contigua alia silua Laurorum, quibus admixtum est aliud arboris genus perpetuo virens, Lentagine istuc appellatum, a quo a nobis

nobis inter reliquas arbores propositum Tini nomine, cuius semen ceruleum est: nostrum autem calum huiusmodi arboribus non foret aduersum. Istic etiam sunt Rhododendri. Deinde alia arbor truncata, supra cincta & uperta hedera, & in medio mensam sustinens, ad quam aqua fontana per syphones deducta est. Sub edificio foris deambulacrum est præaltum, albæ Mori arboribus constitum, quæ nullis pedamentis fulciuntur. Sunt etiam alij horti, aureas malos & alia continentes, quæ breuitatis gratia prætermittimus. Proximum huic aliud est edificium Domini Rucellay in Corachi, tertio à Florētia miliari, ubi similiter elegantes sunt Abietes, Tini, Myrti albæ, Taxi, Lauri, & alia per quàm raræ arbores. Hæc urbs Florentia in ampla planicie sita, montibus eam cingentibus est obsita: At si hæc planicies aliqua elegantia dotata est; id incolis tribuendū, qui seduli fuerunt in educandis Cupressis, Abietibus, & arboribus perpetua coma virentibus. Quod etiam reliquis urbibus contingere posset, si similem diligentiam adhiberent.

F I N I S.

21 N 1 S.

